

嘉慶寧國府志

寧國府志卷九

輿地志

星野

在天成象在地成形星野之說由來尚矣但其微妙非精于厯算者不能推測况宣城前輩如倪觀湖正梅勿菴文鼎師生兄弟父子均以厯算著名則授受淵源當必不爽而舊志所載星野一門援引亦最詳核故悉仍其舊文而不加增損云

郡本古吳越地亦爲楚其州揚州其郡丹陽其星南斗牽牛須女其次星紀其辰丑

按斗牛女三宿凡四十餘度而星紀之次止三十度有奇故斗初入寅女末入子皆非星紀諸家分野之說有主十二次言者有主二十八舍言者今並存之以待考

周禮保章氏注星紀吳越也魏太史陳卓曰於辰在丑吳越之分野屬揚州

隋書地理志揚州於禹貢爲淮海之地在天官南斗十二度至須女七度爲星紀於辰在丑吳越得其分

唐書天文志斗牽牛星紀也初南斗九度餘千四十二秒十二太

中南斗二十四度餘千七百八十八終女四度又曰星紀得雲漢下流百川歸焉故其分野自南河下流窮南紀之曲東南負海爲

星紀

明天文清類分野書曰斗牛在丑自斗三度至女一度屬吳越
分揚州

以上以星紀之次爲吳越分主十二次言也

史記天官書曰二十八舍主十二州又曰斗江湖牽牛婺女揚州又曰越之亡吳滅守斗

漢書地理志吳地斗分野也今之會稽丹陽豫章廬江廣陵六安臨淮郡吳分也

晉書天文志斗志牽牛須女吳越揚州九江入斗一度廬江入斗六度豫章入斗十度丹陽入斗十六度會稽入牛一度臨淮入牛四度廣陵入牛八度泗水入女一度六安入女六度

唐書天文志南斗在雲漢下流當淮海間為吳分

宋史天文志南斗六星南星者魁星也石申曰魁第一主吳二

會稽三丹陽四豫章五廬江六九江

明天文清類分野書寧國屬斗分

以上以斗牛女三宿為吳越分主二十八舍言也

諸家厯法所測星度不同今考如後

星紀鉅度考

前漢志

三統厯

自斗十度

至女七度

唐李淳風曆所至女七度大史陳卓並同

質直

說文

自斗十度

至女五度

蔡邕

琴瑟

自斗六度

至女二度

劉昭後漢志魏陽傳蔡邕歷並同

北魏志正光

起斗一度

至牛五度

唐一行大衍

初斗九度算四十二

終女四度

宋志元祐觀

初斗九度

終女六度

南宋紹熙統

初斗四度算五十二

終女二度九十五分秒七

金歷志

起斗四度算六十二

至女三度九十一分秒

元史授時

起斗二度算六十二

至女二度六分三十八秒

明交清類

起斗三度

至女一度

西歷萬曆曆

起箕三度

至牛初度

以上言星紀之度不同者凡十二家依古曆起斗十二度則斗建星全入燕分爲析木之津若正光曆起斗一度畢牛五度則牛六度爲齊分而女宿全入齊其相懸若此又李淳風麟德曆以前不用歲差故皆以大雪日躔爲星紀之初自大

衍歷分天自爲天歲自爲歲故授時歷以冬至後數日始曜
星紀而今西歷以中氣過宮日躔星紀爲冬至是不惟南北
至有歲差即十二次歲
歲有差全異古法矣

斗牛女宿距度考

諸家所測赤道 南斗 牽牛 婺女

漢洛下宏所測 二十六度及分 八度 十二度

唐一行所測竇祐測同 二十六度 同漢 同漢

宋皇祐所測蘇頌測同 二十五度 七度 十一度

崇寧所測 同皇祐 七度少 十一度少

元至元所測 二十五度分 七度分 十一度分

按後漢律歷志尚書考靈曜斗二十二度無餘分唐書大衍
曆議古歷南斗至牽牛上星二十一度人太初星距四度上

直西建之初故殷周等六家之曆或以南斗命度或以建星命度一行又曰古曆以南斗魁首為距天以魁首為距則斗才六星全入箕度矣自漢測以辰斗魁第四星為距故與古異然歷代所測又各微差元史曆議則謂其小有動搖西曆則謂恒星隨黃道轉動歲歲不同其是耶又古曆惟用赤道永元以後乃黃道之儀亦論星度古所當知

諸曆黃道

南斗

牽牛

婺女

後漢永元銅儀

二十四度四分之二

七度

十一度

隋劉焯皇極曆

二十四度

同漢

十一度半

唐一行大衍曆

二十三度半

七度半

十一度少

此據開元十二年日躔所定上考下求當據歲差

宋紀元曆

元祐律歷材料與元曆同

二十三度

同漢

同漢

金趙知微曆

二十二度

同漢

同漢

元授時歷

二十三度四分

六度四分

十一度四分

此據至元十七年日躔所定上考下求用增減歲餘周天之分以求歲差即得其年黃道本度明大統歷不知此法所以有差非授時本法之失

西歷

謂西曆中所測

二十三度四分

七度四分

十一度四分

此據萬曆甲辰所定其數畧同漢唐然西歷以三百六十整度立算減去五度四之一暗加于各度之中西歷一度為古法一度有奇故不同也至西歷黃道別有南北兩極各距赤道極二十三度半其分周天黃道度與其辰次皆從黃極為心是與赤道竟意有斜直之差與元史同回法合非僅如古歷黃赤道殊濶狹而已

史載古占附

漢

武帝元鼎中熒惑守南斗南斗越分也其後越相呂嘉亂越

越以亡

順帝永和四年七月壬午癸戌入南斗犯第三星五年九江
丹陽賊周生馬勉等攻沒州縣

吳主亮五鳳元年十一月白氣出南斗側廣數丈長竟天王肅
曰此蚩尤旗也東南其有亂乎二年正月彗星出吳楚分西
北竟天次年吳改元太平九月壬辰太白犯南斗太平三年
孫琳廢亮

晉哀帝興寧元年十月丙戌月掩太白在須女占曰災在揚州

孝武帝大元十九年十二月癸丑太白犯歲星在斗占曰爲
亂饑斗吳越分後二年王恭等舉兵朝廷戮之連年水旱饑
梁武帝天監元年八月壬寅癸戌守南斗占曰吳越有憂是歲

大旱米斗五千人多饑死

唐代宗大厯十年正月甲寅歲星熒惑合于南斗占曰饑旱吳越分也一曰不可用兵

德宗貞元十九年三月熒惑入南斗色如血斗吳越分色如血者旱祥也

憲宗元和十五年八月己卯月掩牽牛吳越分也

昭宗光化三年十月太白鎮星合于南斗占曰吳越有兵

明萬厯五年蚩尤旗入南斗占曰吳越水本年八月吳越大水

八年尤甚本府南陵縣被害尤劇

見南陵志

右自漢以降史所記七曜凌犯星氣在斗牛女者繁不勝書今錄數條以與分野之說相發明也左氏曰越得歲而吳伐

之漢書亦以吳地爲斗分越地爲牛女分而今詳徵諸史有以斗言越牛言吳越或斗牛女台言吳越揚州未嘗執一也一大悲怒宿飛虹貫况一郡乎或欲鑿某一度定爲一郡之分而餘無所與非通論矣

星紀斗牛女外仍有占吳越分野之法附錄如後

史記天官書吳楚之疆候在熒惑

此以五星言分野也熒惑火精故南國以爲候

又曰占爲鳥衡

此以四七宿言分野也鳥者南宮七宿東井與鬼爲鴈首鬼又爲天目柳爲味七星爲頸張爲喙翼爲羽觜軫爲鶴尾合之象朱鳥也衡者太微三光之庭鳥與衡同在南宮故亦占南國

後漢天文志玉衡斗七星也第六星主揚州常以五已日候之

辛巳日爲丹陽

晉書天文志北斗七星一主秦二主楚三主梁四主吳五主燕

六主趙七主齊隋志述石氏亦同

宋史天文志北斗第四星曰權星其分爲吳漢志主荊州第六

星曰闔陽其分爲趙漢志主揚州

此以北斗言分野也王官二十八舍主十二州斗乘兼之所從來遠矣班志亦云

隋書天文志五車五帝座也西北大星主秦次東北星主燕趙

次東星主魯衛次東南星主楚次西南星主魏五星有變皆

以其所主占之晉志同

此以五車星分配五房則言楚者吳越在其中

隋書天文志九坎東列星北一星曰齊齊北二星曰趙趙北一

星曰鄭鄭北一星曰越越東二星曰周周東南北列二星曰
秦秦南二星曰代代西一星曰晉晉北一星曰韓韓北一星
曰魏魏西一星曰楚楚南一星曰燕其星有變各以其國占
之

宋史天文志十二國十六星在牛女南近九坎各分土居列國
之象位次畧同隋志又引陶隱居云越一星在婺女南

此並舉楚越而不
言吳則吳越同占

宋史天文志天市垣二十二星象天王在上諸侯朝王王出皐
門大朝會西方諸侯在應門左東方諸侯在應門右其東藩
第六星曰吳越

以上三者皆以中外官星言分野也五車天市在列宿北古謂之中官十二國星在列宿南古謂之外官

史記天官書曰加以日時用命其國又曰丙丁江淮海岱也

前漢天

文志同

漢志又云丙楚成吳越

此又以時日支

十言分野也

以上仍前志康熙十二年纂修時所博考而詳列之者也
今亦不必更爲增損但於其中有當分別者謹爲之說於
左

一諸家分野之說有以十二次言者星紀吳越之類是也有
以二十八宿言者斗江湖牽牛婺女揚州之類是也然以宿

言斗牛女當雲漢下流終古不變而吳越當長江末流亦終

古不變其於配合之象協應之理固無可疑若以次言則星

有歲差宮有動移周簡王丁亥冬至日在斗二十三度

帝堯元年

甲辰冬至日躔虛七度夏不降乙未日躔女十一度商武乙丙寅日躔牛七度至是始躔斗度大雪日在斗

八度故以斗八度至女八度爲星紀古思以大雪日躔而斗

牛女之度多在星紀左氏言斗牛分者若唐堯甲辰冬至日

在虛七度大雪日在女三度則以女三度至危十三度爲星

紀而虛危之度在星紀斗牛之度在析木矣如以析木爲燕

星紀爲吳越不將以斗牛爲燕虛危爲吳越乎至明嘉靖間

冬至日在箕三度大雪日在尾六度則又以尾六度至斗九

度爲星紀而尾箕之度在星紀牛女之度在元枵矣如以元枵爲齊星紀爲吳越不又將以牛女爲齊尾箕爲吳越乎是知以宿言者是而以次言者非也

一禹貢淮海爲揚州受長江下流而彭蠡震澤二大湖潄焉范蠡又言吳越爭三江五湖之利是江湖卽揚州地也故天官書曰斗江湖牽牛婺女揚州乃用互文犹言斗牛女揚州耳非以江湖揚州爲兩地而斗與牛女分屬之也然斗與牛女自有當分屬者蓋斗穿雲漢而吳跨長江故斗當屬吳牛女稍離於雲漢而越稍遠於長江故牛女當屬越左氏謂越得歲而吳伐之必受其凶

見昭三十二年

此時必歲在牛女而不在

斗也不然越得歲吳亦得歲何以言吳受其凶乎然則今之江南浙西諸郡屬吳當占斗其浙東諸郡屬越當占牛女明矣

一南斗主吳以魁杓六星與其所占之度總爲吳分耳若石申以第三星主丹陽第六星主九江則漢順帝永和四年七月癸亥入南斗犯第三星其應當止在丹陽而九江何以亦有攻涿州縣之賊乎此分星之不確也唐李淳風撰晉天文志又以斗十六度入丹陽夫一斗宿耳而必剖此度入丹陽則又必剖此度之某分秒入丹陽之某邑不既鑿乎且左氏以心爲宋星於晉爲梁門睢陽等縣而淳風以淮陽一郡楚

魯二國當之參爲晉星於晉爲河東河內等郡而淳風以益
州一州巴蜀漢中等郡當之則於星工亦大失契勘矣其所
分者豈足據乎此分度之不確也又南斗之分實占江南浙
西江西廣東諸省廣東卽漢之南越國漢武帝時熒惑守斗其後越遂亡故天官書曰越之亡熒惑守斗此越是南越乃秦南海郡尉趙佗之後南海卽今之廣東省是廣東亦斗分也而申與
淳風皆未及則已疏矣又申以斗第二星主會稽而淳風以
牛第一度入會稽將以何者爲是耶

一熒惑火精烏衡南象謂吳楚候之於理似可通然實不確
蓋熒惑天之罰星其所守犯之野則有兵戎災旱之災而且
周流到舍變動不居非若列宿之靜守一方專應一隅是主

事不主地也烏衡者烏卽井鬼等宿衡乃太微三光之庭井
鬼等宿旣分屬秦蜀周楚之野矣井鬼秦蜀也柳星而太微
張周也翼軫是也
乃朝廷之位太微垣帝座居中郎位虎賁居左右幸臣
從官居後左右執法居前皆朝廷之象非列
國之墟也何以言吳楚之占爲熒惑烏衡亦可見其爲臆說
矣

一北斗七星亦有分野之說然後漢志以第六星主揚州而
晉隋宋三志又以第四星主吳占者將何所適從况一行謂
雲漢地紀北斗天綱是北斗當以綱紀占而不當以分野占
矣故春秋文公十四年幸入北斗而叔服謂應在宋齊晉以
宋爲先代之後齊晉爲天子方伯乃列國綱紀也若以分野

占則斗魁四星乃秦楚梁吳之分何以秦楚梁吳無應而應
偏在宋齊晉至五車五星九坎東十六星天市垣二十二星
一有變異各以國占史雖有其文而未言其驗則亦猶之北
斗耳

唐高宗戊辰四月書彗星見於五車漢章帝丙子八月
桓帝丁亥八月史皆書有星孛於天市然俱不以分野

應若時日支干之占尤覺杳渺難憑

一寧郡故吳地也吳東濱海而西界楚左傳襄公三年楚伐
吳克鳩茲定公二年楚伐吳師於豫章豫章今之江西省在
寧與池之西南鳩茲今之蕪湖縣在寧之西北而皆屬吳則
寧之爲吳地審矣然元王三年吳亡屬越顯王三十五年越
亡屬楚故後世言分野者或吳越並言或言越不及吳又或

言楚不及吳越皆於理無害但以斗牛女三星占則載於前
史者班班可考而以熒惑鳥衡及北斗五車等星占則於前
史不稍概見亦可知中外宮星之不必以分野言矣郡治緯
度在赤道北三十一度宣治附郭與郡同下經度亦然故見北極出地上三
十一度而南極入地下三十一度南邑畧同涇寧則稍南旌
太又稍南皆在赤道北三十度有奇其經度則郡治直京師
東一度直省城西不及半度而旌次之寧則稍東太涇南則
稍西要皆在京師之東省城之西耳若其分野則皆當於斗
候之也抑分野之說昉於周禮保章氏職云以星土辨九州
之地所封封域皆有分星以觀妖祥以十有二歲之相觀天

下之妖祥以五雲之物辨吉凶水旱降豐荒之祲象而其末
口以詔敕政訪序事則古之言分野者凡以爲國爲民且古
者王室既有保章而列國又各有星官如魯梓慎鄭裨竈宋
子韋之類當是時國重其司人精其學故凡大災兵寇之憂
水溢旱乾之患皆能未至而知之先時而備之

如左傳襄九年宋災之類

此見先王道術之實用也今州郡既無星官觀臺不設儀器
不具測候不講雖乾象示警無自知之筭由而備則夫爲保
章氏者其責不尤詳且重乎

以上並乾隆府志

寧國府志卷九

風俗

揚州厥性輕揚南方之強寬柔以教不報無道吳楚士以文辭顯巧而少信俗敬巫鬼重淫祀民亡積聚飲食還給雖無千金之家亦不凍餒吳粵俗好劍輕死易發多女而少男永嘉已後衣冠違難萃於江左藝文爲盛閭閻賦隸力役之際吟咏不輟有顏謝徐庾之遺風此皆概舉南方風俗燉惡蓋兼之矣今府境居揚十一風聲習氣猶有可驗其近古者民趨於本而不閼訟懷土重遷自謝元暉已有荒階少諍辭之語至本朝黃太史庭堅又嘉其圩戶之豐庭訟之簡指爲樂

郊而播於篇什矧今日比近京浙戶繁丁夥視昔加倍而歲
斷獄止十數官文書日月稀省爲長民者亦幸其無事而易
治也其進於庶富而教之斯有漸矣

嘉定宜
城志

漢書云丹陽郡本屬揚州吳地斗分野也其人巧而少信多
女而少男江南卑濕丈夫多天大抵人性風俗與兩浙相類
太平寰
字記

川澤沃衍有海陸之饒其人君子尚禮庸庶敦龐故風俗澄
清而道教隆洽亦其風氣所尚也

隋地
理志

三朝地理志云川原沃衍有水物之饒自鼎國並建永嘉東
遷衣冠違難多所萃止唐末楊氏據其地頗有文物國初討

平班布憲度而茗芽治鑄金帛杭稻之利歲給縣官用度益

半天下之入焉其俗性悍而急獎祭不中禮郡縣志民安俗阜

唐盧肇新興寺碑其清涼高爽韓愈與崔羣書宣州蠲稱清涼高爽然皆大江之南風土

不北舟車繁會之鄉唐尉遲樞新安院記陵陽古稱名邦今

境土廣人庶白居易制陵陽奧壤土

陵陽奧壤土廣人庶其地有險所寄非輕唐白居易除

地產氣序之平夷江漢岡嶺之襟帶唐陳勢大

阻以重山緣以大江其俗佻而侈其人勁而悍有裴耀卿者

為刺史端本重學宣人始服化矣唐陳簡甫

阻山帶江顏謝流風玉海

東南自古非用武之地大率民俗阜安不樂攻剽號爲淳而

易治

宋周紫芝移建縣前記

風物繁華之地舟車輳集之鄉衣冠文物之域

宋嘉定志

溪山之秀爲諸邑冠風習近厚謀訴頗稀賦入以時帑廩充

實來治者安其民淳事簡

主簿應記

地廣而僻民質而文

元梅震記

古稱江南之氣勁踈民性輕揚而尚鬼好祀宜亦江南之一區永嘉之後衣冠避難多萃江左藝文儒術斯之爲盛雖閭閻賤役吟咏不輟蓋亦因顏謝徐庾之風焉

民習耕稼尚貨利士習衣冠禮樂而民質僞相間訟生焉

士或好逸惡勞怠於問學在昔庾范江謝顏杜張晏諸公政
先化導士習不變以故後吳梅覬貢之相業文章聲昭於時
追後富則輕視儒雅貧則不崇信義謝元暉所云荒階少諍
辭今不復覩矣

並明劉榮
成化志

俗務耕織薄商販奢儉相當脩禮教而嗜鬪喜訟亦往往爲
有司病

李然嘉靖志
以上寧國府

宣城三面皆山惟北爲水鄉民生其間質性不齊大率將土
之民剛而尚質沃土之民柔而好夸市廛之民佻而善誑其
居使然也至務耕織薄商販嚴別男女市無笄黛士人脩粒
誦明道術雅重氣節民懼憲章不輕犯有司是則畧同舊所

云嗜鬪喜訟至以荒堵少諍詞爲未然者毋亦未察風草之

義歟

萬歷志

人物富饒風俗樸雅

徐燮建縣志記

金陵上游山環而風萃水曲而氣結是以士多四方之志而民鮮百里之游擁沃饒以爲利侈露積以爲富挾膏腴以傲刀錐城墜自晉咸和間民俗敦樸尚里居不樂廛市闕城宅著姓無幾惟城東越虹橋夾宛句濱水而居多巨室大賈卽土人亦僑寓焉生齒之繁息泉貨之殷甚物產之滋殖棟宇之輪奐甲於一城獨稱豐里

宋大器保豐臺記

產多美材飲食諸物所以利用厚生者不他求而足故秀民

說詩書好禮義問巷田塘之氓悉有以自資而無慕於外

王

端直府

治記

自東郭鄒公南野歐陽公緒山錢君龍溪王君或留都蒞官
或水西締會三十餘年人士景附志學之會彬彬乎跂伊洛
之風綿鄒魯之緒矣

明李春芳志
學書院記

山川秀麗風氣清淑士生其間環奇雄偉明經脩行習文藝
於學校

明黃宗戴府
學題名記

士俊民秀哲賢著蹟

明尹臺文
昌閣志

力耕織薄商販敦儉樸裊德教不侵然諾砥礪廉隅尊慕儒
術雅尚詩書所可愕者詭習慧詭黔首嚚豪小則睚眦衽怨

大則狠黠桀驁親死不羣委恭逢蒿微其竊福訟謀日號

工部

尚書雷禮

敬亭山賦

宣俗和柔爲多民懷土無輕去鄉不習工賈鮮蓋藏大夫士
多文弱嘉隆後雖無仕業不盈萬恥持籌無兼併子衿無睥

睨官吏君子善吟市人善謠東鄉舊稱善俗其細已甚猶是

近古之遺焉

康熙志

風敦俗美惜寸土以藝桑麻士愿賸貧際暇日而橫經未

沈泌

謝公亭

碑記

山水奇秀冠於東南風流文采卓卓可紀者代有其人

佟賦偉宛

陵課藝序

宜城自古爲郡治所山水清勝六朝文物萃於首邑徃徃有
江謝徐庾之餘風故其君子善吟其市人善謠雖閭閻之庭
率張書畫春華秋實不無難兼而衣冠之族類安雅好禮舊
志謂嗜鬬喜訟以荒堵少諍詞爲未然者乃明成化初志萬
歷志中已言懼憲章不輕犯有司在今更易治矣

二樓記畧
以上宜城

庶民慕豪風俗詭浮

唐韋雅南陵
大農陂記

山水清勝民俗敦樸自昔多秀民

明楊溥南陵
進士題名記

土地肥饒民勤稼穡婦女惟執麻枲鮮治絲繭然河通大江
商賈以貨利相尚士則詩書頗習而人物間出如晉何萬倫

唐楊景宋徐元功輩歷有可徵

舊縣志

縣當孔道馳傳旁午姦宄時發訟牒糾紛剽略山谷者持官

吏者大抵皆涇南人多

嘉靖志序

民間習俗淳樸節儉佃農之家務本抑末潛於自奉士好學

問婦女恥踰閭闔大較美矣

萬曆縣志序

南陵水十之六山得十四北通大江西阻崇阜姦宄孽窟其

間時時竊發頗爲化梗其民勤樹藝早歛穫亦鮮商賈士修

文業恬於勢利故嘗以訟牒糾紛曾持官府見爲民病邇且

和柔易治非復昔之弊矣

萬曆志

士修德學民知節儉河道淤而商賈寡民知務本膏於自奉

婦女恥出門戶此其近美者然尚氣好訟子壯出分婚嫁論

財媚神徼福之習則今猶存焉

邑舊志序

本縣風俗大都儉樸其弊也嗜利忘義顧小失大至若好氣尚訟止是一朝之忿氣平帖耳而服士風樸茂多株守鮮志四方記云國奢示之以儉國儉示之以禮語云論人於燕趙不當取其慷慨而當取其深沉然則此中所重蓋可知矣

續修

邑志序

南陵地衝多沃野明初養馬爲患後罷役得息肩舊志稱姦宄窟穴訟牒紛詰絃誦希聞徵之於今並非篤論殆其善變

也

康熙志

陵俗有美有惡如前志所載大略可觀數十年來漸多蒸變

雖有習尚儉嗇而閭里時有慕義樂施之風民奉法令勤輸將土工文章敦實行

國朝定鼎以來登仕版者接武此其效也但喜訟佞佛利己忤人奸徒黠役相緣爲獎往往有之習俗成於下教化存乎上司

風紀者不能無厚望焉

順治邑志

南陵東北地逶迤乎遠民重去其鄉鮮商賈西南崇岡絕嶺居人櫛比至有不識城市者士族無間城鄉及世冑寒賤並閉戶倦遊謁恥奔競登朝列者率持風采鄉曲相尚一惟惻惻無華前朝各社大興陵人聲援絕不相涉也今治經史工舉子業者日盛文風蒸變實鄉先進之功若舊志稱縣當孔

道馳傳旁午奸宄時發訟謀糾紛自當分別良莠審思風草

之義此余十年所親蒞一何其淳龐易服哉

二樓小志記略以上兩段

涇枕山帶川土地雖少平曠而亦肥饒男勤於耕女勤於織

鮮事商賈尤賤工作

成化志

涇本沃土五材具興其人性機慧有智能任剛使氣賢者範

礪以成其材舍是則桀黠傲狠訟訐之風他邑所無

嘉靖志

明初新離兵革地廣人稀上田不過畝一金人尚儉朴丈夫

力耕蓀給繇役衣不過土布非達官不用紵絲女勤紡績蠶

桑居室無大廳事高廣惟式成化宏治間生養日久輟役省

費民稱滋殖此後漸侈田或畝十金民居或僭做品官第宅

男子衣文綉女子服五綵衣珠翠飾金銀務華靡喜誇詐好
剛使氣有健訟告訐者商賈亦遠出他境嫁娶奢靡生女多
不育喪葬用佛事至惑於風水暴露經年或糜費以葬而於
親壠歲時祭祀間多闕然習隨時異而莫之知也

嘉靖縣志

涇綠江帶河在萬山中其地可耕漁又有銀鐵銅漆魚米菓
菰之饒非大水旱卽不至乾溢其君子好義知恥小人則依

山據險無論事大小輒告訐鉤攝最稱難治

胡嶺泉碑記

常東南山水之區田高溪窪幸免流潦間值無陽噉噉無措

馬經
同序

山川盤錯風氣攸凝賢者范蠡成材善文藝科第稱盛薄進

取者則崇嚮正學修飭名檢往往可觀至桀黠勁悍喜爲訐
鬪或剽掠山谷爲有司病者抑不能無爾

萬歷志

涇士好學問攻文辭科第代不乏人嘉隆間衣冠士宦項背
相望立會於水西講明聖學郡守羅近溪暨名儒鄒東廓王
龍溪錢緒山先後會講一時人士翕然駉駉有伊洛之風

續志

田賦高下墳壙黎赤屢絲璣組之巨篠傷蟲魚之細莫不炳
炳麟麟摹符禹貢地大物豐無愧名區曩者里號鳴珂家藏
賜帙旣已嵩華文苑黼黻天衣而名臣輩出敦尚風節往往
貪繩蟬蚓肉眎虎狼疇昔清流白馬之禍又能磨滂碎首于
黃門僑固暴尸于北寺頃來雲飛紫蓋水躍黃龍猶有挽魯

陽之戈灑萑宏之血者眞足廉頑立懦弁冕百城矣

順治志

涇人尚氣發公憤舊稱評持官吏多涇南人頃頗易治蓋武健嚴酷雷霆所摧折也吏稍循謹爭父母奉之至坐事失職猶踵相饋餉水火之餘民易見德矣

康熙志

涇舊家多聚族邨落貴士著故市絕浮商亦不願貫他籍或任氣賢者憤公義不賢者勇私鬪視所用之豈其剛之過耶明時科第之盛與宣埒講學亦相應和至今民間無少長禮讀書士皆加于人一等眞美俗也

二樓志

涇介宣陵旌太閭地方百里語言異響謬殊悖反

城以雷爲來西南以

來爲雷之類

城饒宮羽入弱鄰上

如屋覺近尾假之類

東多商角入激且沈

入聲流北角重宮微微羽隱商西南角帶變羽商韻不張如
音太低尤之類大都喉齟易乎舌位唇齒混乎帶調土音詰屈鄉別

村殊矣宛陵風土記

郡志稱山民強勁動輒拳槌相加及就質長吏垂首破產不
爲悔涇民儉嗇獨涉訟則百計謀勝不惜傾家爨時長吏或
相肥瘠爲低昂近來有司多却竿牘絕苞苴而間有胥役猶
或藉神叢而假虎威懲一二以儆其餘庶幾衰止乎錢志

涇邑風俗諸條略具其他歲時瑣節鄉里卽有小殊不煩縷
述惟是敝俗相沿大端有三曰停塋曰溺女曰健訟禮三日
而殯三月而塋古之制也涇俗惑於形家之說妄意牛眠龍

耳或厝停堂屋或暴露郊原累月經年弗歸抔土甚至樵穿
齒露旁觀且爲慘目爲子孫者能無泚頤乎更或水火不虞
尤非仁人所忍言矣父子之恩無男女一也淫俗貴男賤女
女多輒不舉嗣艱者冀目前之速孕資乏者憂異日之貽姪
乃至富而多男之家亦復相習爲之赤子入井雖秦越視之
猶有怵惕惻隱之心忍自推其子使之入井乎語云豺虎猶
不食其子曾人也而是可忍也舊邑志孫副使序曰淫民剛
湍而競往往鵲蚌結於睚眦聽斷所及訟謀靡集甚至濟北
之樹汝南之水累年浹歲刺刺不休蓋其風使然大率一人
險健則主文佐鬪實繁有徒一事憤爭則蔓引株連糾纏靡

已廢時破產舉弗遑恤其頑可怕的其愚尤可憫也

國朝涵濡教化百有餘年涇雖僻處山陬士習民風亦蒸蒸日上變
矣惟茲數者相沿未改是在賢有司與二三鄉先生導之以
孝慈先之以禮讓庶幾弊俗可更耳

錢以上
志涇縣

寧國縣山川秀朗土地肥饒民性僞者倍於善人業農桑崇
儉約忠貞節義代有其人後世稱異但俗之美惡相半

寧國
縣志

寧國爲宣繁邑夫子轍環天下嘗經過焉故其風聲氣習尤
爲淳厚詩書禮義之教千萬世猶一日也

同上

民業以工商爲末利以耕績爲務本居城列肆俱微郡之人
在鄉營生多江右之客是以土產繁多而民每不足近則江

右少而旌邑之民散居四境矣

寧國縣志

寧俗冠禮不行婚姻競聘物嫁資多煩文無親迎禮親戚不

甚往來而僇遺則厚

寧國縣志

親喪倩釋道作供齋轉七舉家素食及塋鼓樂道其輜車結

綵亭演故事以爲美親親戚送者皆備紙旗又多卜塋地或

年月不吉至十餘年而不塋其親或爭風水至兄弟不睦破

家成訟此習俗之弊今士大夫家亦有變其習者矣

寧國縣志

祭禮春秋二祭新喪祭皆素品多搜山林野菜至千餘種親

戚來祭用葷

寧國縣志

寧之俗民淳士樸有適道之資

明鄭文莊守益縣學記

寧環山以爲封犁鋤火耨之跡交于其間山之利幾與田等
僦人浮戶蓋多依焉民既力給頗怵法畏吏其自好者又多
仿廉隅尊慕儒術與號治者異矣

嘉靖志

雖賢哲迭生而小民黠梗不習禮法

知縣范錡記

寧岡縉四塞風氣淳龐其民力食樂生故稱休法畏吏自好
者多飭廉隅尊慕儒術雖厚重少文亦猶有古之風焉邇者
文華冠蓋則稍振于昔矣

萬曆志

寧大僻阻饒山利其人質木士罕交遊其樸近淳其嚮近野

寧國縣志

旌德在深山窮谷之間風聲氣習爭尚簡樸

宋徐銳學記

旌德淳古易治民相安於無事

宋邵康學記

旌德地狹山多縣庭簡訟

宋李鼎縣學廳記

旌德田土磽确農無蓋藏

宋趙必法平糶記

旌德田價畝至數十金物土之宜盡出他邑故民多儉嗇斤

斤斷斷以競刀錐之入

嘉靖志

旌邑崇山峻嶺舟楫阻限其民力勤稼穡或雜習工藝以墾不給士業詩書敦樸茂大率多質勝文者誌云性嗇近利有

葛屨履霜之風不其然乎

萬曆志

旌德山壤稽其地山陵什之五池塘什之一溪谷流水什之一村邑溪道什之一山田什之三良田什之一民居一里千

烟四十里居四萬烟一烟八口十烟八十口百烟八百口千烟八千口萬烟八萬口以四萬烟通計約三十二萬口惡田良田十餘萬畝田畝歲米十餘萬石常有二十餘萬口無食此人有餘而土不勝也故田不足執于山山可鑿畚爲田民食朝夕餽粥不補于飢紅女終歲紡績不免于寒富者儉以持家無重味兼飧之奉鮮細茵厚繡之服宴享祭祀賓客往來止於成禮雖俗尚纖嗇亦地土之所產財力不足以供也

萬歷志

成宏以前人心甚古鄉里之老有垂白不識縣官者嘉靖以後漸變漸靡舍本而務末於是百工技藝之人商販行遊之

徒皆衣食於外郡逐利於絕徼亦其勢使然也然士喜立廉
隅恥奔競務實學儒童千有餘人彬彬文物埒上郡矣萬歷縣志
旌邑地瘠山髡底土與穀土略相當民數與穀數不相準然
今時占樸之風易而文明食甘服麗歲時嘉會景色漸漸非

舊矣

順治縣志

旌地狹山多田土磽确物產無幾故富者商而貧者工往往
散在京省市肆閒居積通易以致富厚其秀者業詩書文武
科第與前朝相望矣或山勢峻峭風氣勁而好勝在善所以
轉之耳至合論寧俗貴男賤女爲貧而艱食女多輒不舉特
其市無笄黛婦人恥出閨門有足取者婚姻中下之家論財

其居喪受弔宴賓殊多糜費至泥堪輿家言浮屠親柩以待吉地者祭先之禮豐儉疏數恒戾於古旌亦多有之近日此

風亦稍更矣

二樓紀畧

旌民多義氣知親上如前明張邑侯入覲以庫項未清不得行民輒代輸虧帑有義民記見藝文志近時如周侯紀侯皆虧空數百金亦民間捐貲代納至如均徭役而吏省追呼草戶首而糧無積欠歷年奏銷全完經徵官屢加紀錄冊載昭然可核

縣志

旌雖山邑人烟湊集城鄉皆聚族而居近來生齒愈繁大族人丁至有萬餘其次不下數千卽最少亦三二百人男婦大

約相等族各有祠每春冬必合祭以相聯屬姓各有譜比支
派必分列以序昭穆故皆比戶可稽奸僞無所托足婚姻門
戶相當皆愛惜體面婦女知重名節以再醮爲恥故從一而
終與貞烈迭著貧戶男女幼時卽令學習工藝紡績從無僱
賣作婢僕者視他處差強人意

同上

康熙己丑辛丑歲飢在城各大姓捐貲赴三河蕪湖買米運
旌設局減價平糶民賴以生乾隆癸亥復歲歉城鄉各都巨
族又俱買米減價平糶邑侯蘇一圻深加獎勵詳報上憲撰
文勒碑縣門之西各都圖姓名具載碑中十三年戊辰又米
價騰貴每石值三兩城鄉各族復買米減價平糶秋熟始止

且大族復多建置社倉義穀倘遇歉歲有備無患略倣耿壽昌朱熹之遺意焉同

旌俗重詩書勸課誦延請名師以訓子弟修儀供膳極忠且敬更設立會文聚族之多士每月有課寒暑不輟課藝又必具贊請正於名宿凡城鄉大姓皆然同

旌邑每多義塚瘞埋暴露骸骨或一人輪造或本族公費或同志捐助有呈縣舉行而卷案可稽者有不稟有司而自爲營建者并不使人知而稱爲公置者城鄉各處不一而足夫澤及枯骨稱自西伯掩骼埋胔詳於月令旌人猶得其遺意亦見樂善之一斑云上同

旌邑井里之間祈年報社每歲春秋競舉華麗相尚糜費樂從似誠敬之意微而戲豫之習勝近來人心厭煩就簡稍知禁止此風亦可漸易矣

同上

舊志稱旌邑勇於私鬪健於訐訟蓋由地窄人稠陰陽二基實所難得每於造屋造墳之時或稱稅畝未清或藉界址相連或假售主分業種種嫌隙鼠牙雀角在所不免然地方公正老成之人實力排解即可釋爭長民者苟能諄切曉諭虛公研審是非曲直當堂立判亦未嘗不可化導而使之無訟也

同上旌德

邑介黃山山峻峭少屈伏水出麻川湍急不可回折其鍾於

人小人則好剛使氣喜以訟勝君子多勁直自遂不爲不義

屈

見太平縣志崔涯衆樂亭記

仙源在萬山之中土瘠而民淳冠蓋文繡之所不衝大賈重

裝之所不湊紛華盛麗之誘微貞一淳固之習勝蓋士大夫

談道而嗜義者彬彬也其婦女以節烈著者不可縷數焦烈貞烈

祠記太平縣志

太平固古山邑也士生其間類多尚悃愾而厭紛華卽世家

巨族其子若弟亦恂恂然布衣蔬食絕不作世俗軟媚態蓋

所謂質而愿忠而慤者也其爲文亦因之

張廷榜校藝序太平縣志

善良者傾心豪頑者歛手賦役不後告訐亦稀士習民風質

文並茂蓋駸駸乎禮義之邦矣間或地隔人夥猶難追呼遠
近衆寡勢則然也

萬歷志

太邑羅近溪王龍溪錢緒山諸先生常主教其地而鄉賢周
給諫怡杜文學質俱而領微言以故後之學者蒸蒸蔚起莫
不家周邵戶程朱

舊志

太平民難於爲業亦勤於爲業如農力田其平時寬衍號稱
沃饒者十不得五餘悉磽瘠幸高山之巔流泉出焉仰其上
當秋穫時高高下下鱗次如雲亦奇觀也但土薄石肥或一
坵不得穀數觔畊不以牛以鋤其山居無田者則又以鋤山
爲業藝麻稌粟豆稗芡蘆服之屬以給地逼仄或僅立不能

留足上下如猿猴用火耕法三年一易又間植桐漆植茶以
資旦夕其攻木攻金刮摩設色埏埴諸工大率少土著多雇
民客則以興販木材爲上雖有挾千金數百金者自盤剥關
稅外獲無幾其資下則紙刀花剪漆扇絨傘諸件走買四方
或遠入黔滇間卽坐而買者僅緞絹布疋菓實諸物然多下
品或上品值貴莫售屠沽家惟豚豕鷄魚牛羊無故不殺又
陸通徽歛水達鳩江徽歛米頗翔貴民擔負以往過嶺長數
十里卽冬月白汗交流鳩江至邑東門凡三百六十灘水漲
則小舟載二三十擔然河流百折石塊磊磊非長年三老莫
知其路水稍平載不過十數石或數石遇灘則舟子羣裸入

河高聲唱和後推前挽以肩送雖嚴冬莫避蓋邑民之業大

略如此

太平縣志

冠禮三加之禮明季希濶今無復談及

舊府志

婚禮嫁娶六禮差得其半禮尚綵幣釵珥不專侈朱提亦有

富不好禮承筐無實致嘆愆期者君子恨焉

舊府志

喪禮喪用鼓樂修浮屠法事惑于形家之言卜兆數十年暴

骨不葬

舊府志按以上三條舊志原通六邑而言惟婚禮太邑實未嘗廢曰通信曰書庚曰過聘曰送節曰請期

曰親迎六者雖名不盡同于古實則一也不得謂差得其半獨喪葬惑于形家太邑尤甚竟有延至數代不葬者間有至

永久無後須他人代葬者前戊子戊戌及今癸酉夏三發蛟水漂流棺骸充河遍野見見聞聞罔不傷慘爲人子孫者仍

不知顧慮亦俗之弊而積重難返者矣

祭禮族必有祠合姓祖先統竿于茲服之親者則又爲支祠
祠多置田以供祭每歲季冬廿四日必備牲帛糜饌鼓樂以
致祭務極豐腆若支祠則又卜日其無祠者則祭于香火堂
於寢無敢廢者墓祭上元清明中元下元除日皆設饌展視
遠出者必歸固厚於報本之大者

太平縣志

祠內大族多置義田以備荒歉置文會田以資士之課藝皆
豫備與崇文之善物也

太平縣志

地多溪河山水驟發橋易圯渡易漂往往隨敗隨建捐資自
數十百金至萬餘金者時不乏人復置田以資修治道路崎
嶇喜修砌建茶亭置茶田點夜燈以利行人皆俗之最厚處

俱見
縣志

宋令孫覺縣廳記云太平山斷嶺隔不可車馬而爲生之資
自足良民間亦自重然不知儒而莫之學今去孫令又數百
年地利加闢俗罔丕革獨服儒獎學彬彬齒於東序其所漸
被宜有變者

嘉靖志

僻在萬山生計自足山利入厚亦緣之訐訟紛拏薄于自奉
至尚氣爭勝則用或弗貲抑何蔽已獨服儒獎學彬彬視昔
有過焉

萬曆志

邑僻阻饒山利其士民樸尚俱與寧國畧同而婦女尤以節

烈相競

康熙府志

土瘠民淳舊稱冠蓋文繡之所不至今文風日新科名踵接

殆其善變歟

二樓
記畧

以上太平

寧國府志十

輿地志

山

宣城縣

陵陽山在府治前一峯爲疊嶂樓一峯爲譙樓一峯爲景德

寺郭祥正雙溪樓詩陵陽三峯壓千里百尺危樓勢相倚卽

此方輿勝覽
輿地紀勝同山爲郡之鎮自敬亭而南隱起爲三峯環繞

縣治西南爲鰲峯又東南曰陽陂唐獨孤霖謂郡地四出皆

卑卽阜爲垣郡治蓋據此山之岡麓

大清一統志
明宣城縣志同

按陵陽山以陵陽子明所居得名據唐宋以來地志皆在

今太平縣此山偶與同名始見祝穆方輿勝覽蓋亦東秦山少華山之類以名勝而同名也今分列二縣下以防牽

混

敬亭山在宣城縣北十里

元和郡縣志作十二里

山有神祠卽謝朓賽

雨詩之所其神云梓華府君頗有靈驗

太平御覽郡國志宋永初山川記

太平寰宇記並同

唐以避諱名敬亭曰昭亭元豐九域志曰宣城有

昭亭山是也高一十六丈廣袤一百二十里其東北爲敏應

廟卽敬亭山神也有靈應觀西有廣教禪寺有萬松亭虎窺

泉齊謝朓唐李白劉禹錫司空圖各有篇咏

嘉靖府志

西第一峯

爲洪村嶺有一峯

乾隆縣志

按敬亭爲縣之鎮山今列于宣城縣城外諸山之首其餘依四境叙次之方輿紀勝分敬亭昭亭爲二山誤

玉山舊名土山在縣東十里高二丈三尺袤五里山無石磔故名明尚書徐元太改今名笑起拳曲古木葉蔚虬藤如斗

大中有惠照寺

大清一統志
乾隆府志畧同

碧泉山在玉山東十里

大清一統志

按碧泉山距玉山三十里

石馬山

華蓋山

漪壑山俱在碧泉山東

乾隆府志同

牛矢嶺在碧泉山北

同上

麻姑山在縣東三十里

一作三十五里

高袤與敬亭山等麻姑修道

于此幾舉有仙壇丹竈存焉

輿地紀勝
嘉靖府志同

靈馬山在麻姑山東乾隆府志同

雲頭山在麻姑山南有雙廟岡同上

掉石嶺在麻姑山北同上

水東山一名雲霧山在縣東七十里石市有渡乾隆府志

寨山稽亭山北一統志按寨山有二一統志之寨山在稽亭南

午山在水東山南有高家嶺亭子嶺乾隆府志同

蔡后山在水東山南北有九曲嶺同上

象鼻山 獅山 石壁山俱在水東山東乾隆府志

雙峯山在水東山南二峯對峙俗稱叉山上有蛟龍潭同上

了山距城八十里陸羽茶經橫紋茶出宜州了山即此採訪

南有塘泥嶺南通徽寧北達蘇杭北有大嶺接建平界同上

十字路山在宣城縣東七十里乾隆府志

南山在十字路山東乾隆府志同

四望山泉岡山俱在十字路山東北同上

嶧山在縣東南三十里宛溪水出焉大清統志俗傳項羽兵敗

垓下自烏江南渡路緣此嘉定宣城志

城山在嶧山東乾隆府志同

石馬山在嶧山西北乾隆府志作鳳凰山未詳按此亦與碧泉山東之石馬山同名

鳳形山在石馬山東乾隆府志

折山在縣東南三十里山勢紆屈至此若橫截然下臨仙溪

相傳奚氏女浣紗于此不返家人索之但見溪流清泚異常

以爲仙去有折山寺

乾隆府志同

大勞小勞二山在縣東南四十里大勞有洞可容數十人

大

清一統志

按本草經有勞山韭未知何地今此山不種而生且嫩

美焉

乾隆縣志

安山在勞山東

後潭山在安山東

並同上

玉屏山墨斗冲雙廟山小坑山

四山並在城東南七十里

順治十八年奉

旨禁採煤石歷年碑載俱存

採訪冊

象林山

城東七十里月山城東七十里

仙殿山城東四

十五里

採訪冊

稽亭山在縣東南六十里高二百一十丈袤六十里有仙人

巖三天洞及壽昌禪院本隋時扶風禪師道場祥符圖經云縣東南有稽亭山古仙人居處也行客奇其幽曠至此必駐步稽遲故名

輿地紀勝元豐九域志惟云宣城縣有稽亭山

按太平寰宇記三天洞東南去郡城五十里不言洞所在山名土人云稽亭山與三天洞中尚隔陳家山今攷陳家山蓋土俗之名故宋元明輿地書及府縣志皆不錄或又云仙人巖三天洞亦係二山並屬強爲分析今仍據輿地紀勝九域志列于稽亭山下而附記于此又乾隆府志于稽亭山下別有三天洞山亦強分一山爲二山今並改正落星山在稽亭山東田中突起一峰相傳星隕于此

乾隆府縣志同

長旛嶺在稽亭山東

同上

袍笏山在長旛嶺東

乾隆府志

寨山洞山俱在稽亭山南洞山有洞可容數百人

一統志乾隆府志

馬凹山在稽亭山東北

乾隆府志同

柏枧山在縣東南七十里與寧國縣接境山之陽即文脊山

也谿谷邃深峯巖回曲飛流界道跨岫爲梁

大清一統志晉瞿硎

先生隱此古有僧以柏皮引水入厨故名柏枧

乾隆府志

歙溪山在柏枧山西山半一凹名錢家壠

乾隆府志同

萬人坑山

脊與寧邑接壤

梅村山在柏枧山北

同上

查樹嶺在歙溪山西北自寧國過涇問道由此

同上

石龍山在查樹嶺北下有洞龍出則雨同上

海螺山在石龍山東北山形如螺南里許為坐吉山乾隆府志

獅子山 竹山 長里岡在歙溪山東北山上平岡道路頗

長東有鶴馭山乾隆縣志

栗木岡獨山在長里岡東十里乾隆府志同

夾岡山在長里岡東北十五里同上

峻山在夾岡山東南同上

水西山在夾岡山東南下有橫溪與水東山分峙乾隆府志

桃園山在夾岡山東五里乾隆縣志

響山在宣城縣南二里下俯宛谿有響潭大清一統志上有釣臺

相傳嚴子陵嘗釣此

乾隆府志同

響山在縣南五里李白登響山

詩云築土接響山俯臨宛水湄權德輿記曰得響山焉兩峯

對峙蒼翠對起

方輿紀勝

按權德輿響山新營記云揭東西二亭於雙峰之上相距二百步碧山亘目清流下駛跨以虹梁抵茲近郊及韓文平陽路公神道碑云縛作響山亭營軍于左右權丞相善之鏡其說于響山

夏家渡山在響山南

乾隆府志

雙羊山在縣南五里以山有雙石羊故名梅聖俞詩風雪雙

羊路梅花山下村

方輿紀勝

嘉定宣統志

大清統志並同乾隆府志作三里

栢山在雙羊山西

乾隆府志同

按嘉靖志以雙羊山栢山爲一山今從乾隆府志分列

赤土岡

谿頭山在縣南三十五里北爲鳳家冲

乾隆府志

許村山在谿頭山南

同上

花廟山在許村山南

同上

黃泥岡在谿頭山北

縣志

官塘山在黃泥岡北

同上

戚家山在官塘山北

同上

曷山在縣西南三十里楊行密攻宣州趨曷山卽此宣城縣

志松巖山又西北曰曷山

大清一統志

松嶺在縣南四十里

嘉靖府志

按此嶺乾隆府志及宣城縣志皆不載今據嘉靖志補入

巖臺山在縣南四十五里

乾隆府志作五十里

巖巖峭壁上有平臺下

有石洞乳泉

大清一統志

石嶺頭山

花田山

西山俱在巖臺山北

縣志

桐子岡在花田山北十里

同上

曹塘山在桐子岡北與桐子岡相望

乾隆府縣志同

七里岡山在桐子岡北

縣志

鷓鴣山在縣南六十里

嘉靖府志乾隆府志同

橫山在縣南六十里乃陵陽敬亭山發脈處

乾隆府縣志一統志同

魯山在橫山東華陽水徑其下又東爲新田山高坡水魯墨

溪華山大河徑繞其前一

大清一統志

魯山距城六十里自華陽橫

山分脉土人立廟祀魯王故名新田山距城五十里山橫山

東突起一山絕頂有平臺俯瞰華陽柏視諸山

乾隆府志

九里山在橫山東邑有兩九里山一在北路

同上

千堆山在新田山東

縣志

幘頭山在橫山南

乾隆府志按幘頭山與橫山並係郡城來脉知縣鄧性捐俸買爲官山嚴禁採掘煤

石厯有碑記

壁田山

孔川山俱在橫山北

同上

長山

雙牌山

石嶺頭山俱在橫山北

乾隆府志同

華陽山在縣南七十里跨宣涇寧旌四邑之境周數十里高

數百仞

大清一統志

南爲高峯爲梅隴嶺爲盤嶺下有洞可容百

餘人洞中有獅象石頗稱幽勝稍西爲金牌嶺盤嶺金牌二

嶺之間爲湮旌間道僅通一線郡南一扼塞也

乾隆府縣志同

按盤嶺金牌諸嶺皆華陽山支峯乾隆府志別分名目列

於華陽山之外究係繁冗今從縣志

高峯山在宣城縣南八十里華陽之南高七百八十仞

一統志

梅隴山在縣西南六十里高十餘里

同卽密隴嶺

銅山在縣西二十里相傳產銅山有巨人跡

採訪勝

龍潭山與梅隴山相近

同上

象鼻山與龍潭山接

乾隆府志

華蓋山 斗門山 石壁山 隆潢山俱在華陽山西北縣志

苦竹山 鳳凰山俱在華陽山東北同上

松巖山在華陽山東北山多松故名乾隆府縣志同

城山 大小巖山 洞山俱在縣南七十里皆華陽山支麓

洞山有洞故名縣志

西長山 寨嶺 丁山在縣西十里高十六丈岡勢廣袤西

南與敬亭接以山作丁形故名嘉靖府志

團山在縣西十五里與敬亭相接同上

按團山與丁山相去約二里許中隔東清流陂之下流乾

隆府志云與丁山相接誤

天門山在縣西三十里高瞻華陽諸峯儼如門局乾隆府縣志同

按嘉靖府志作在城西四十五里

大茆山 馬跡山 長嶺仙人岩 並東南六十里採訪冊

高嶺山在天門山東北十里縣志

峽山 將軍山在城西三十五里勢皆峭拔雄峙山絕頂有

祠山行祠嘉靖府志

行廊山在縣西北五十里高一百五十丈袤三十餘里南面

二峯對峙環抱若行廊然故名有巨人跡白雲池梁高僧杯

渡道場輿地紀勝山在縣西北四十里下臨大明湖大清一統志乾隆志

石湖山 在縣西三十五里下為桃花園採訪冊

牛頭山在行廊山西北縣志

方山在牛頭山西北縣志

查山在縣北五里昔屬查氏查南唐大姓也有城墓在焉相

傳爲查宣公墓舊有碑不存嘉靖府志

按乾隆府志云敬亭山一名查山今考敬亭去縣十里查

山去縣五里究係二山今從嘉靖志分列

盤石山卽盤龍山敬亭之東循河而北乾隆府志

饒山外圓而中凹如饒釜然故名在敬亭山東五里由小北

路爲佛子嶺達水陽鎮由大北路爲梅子岡達黃池鎮同上

峽石山在縣北二十里郡治之水口也石壁嵌峻下臨溪流

沁澄可愛其旁卽石頭浦此敬亭北第一支

嘉靖府志

麒麟山在敬亭山北十里

乾隆府志

梅子岡高亭岡在麒麟山北十里

乾隆存縣志同

城山與城東南城山同名稻堆山俱在高亭岡東北十里

同上

狼山 大山 牛頭山在九里山西南北爲桃花園

九里山樂義岡在麒麟山西

乾隆府志

佛子嶺在縣北二十里

嘉靖府志乾隆府志同

崑山在縣北六十里高一百丈勢自東北來綿亘數十里山

有大覺寺

嘉靖府志

縣東北有大崑山小崑山並在南湖之北小

崑山巖石尤峭

乾隆府志

鳳皇山在小崑山後邑有兩鳳皇山一在西南上同

滾山在崑山北乾隆府志同

橫岡山在縣北百里山赤色下有橋乾隆府志

豹山北十里為新豐街又北三十里為橫岡山縣志

楚王城山在縣北一百十里乾隆府志黃池鎮南一里古斥埃在焉詳古蹟

顧船山 城北一百里縣志

長山在縣東北六十里北嶠嶺北歲陶官甌于此慈谿出焉

大清一統志
乾隆府縣志同

紫峯山在長山西乾隆府志

雲山在縣東北七十里有雲山寺嘉靖府志山下有金牛洞幻石

象形巧成天造扣之聲伴鼓鐘魏良臣有洞記相近有藏書

洞

乾隆府志同

大延嶺在雲山西

同上

北嶠嶺在大延嶺西

乾隆府志縣志作白魚嶺

寒口山在北嶠嶺西

乾隆府志同

董谷山在雲山北

乾隆府志

金山在董谷山北

同上

按此二山縣志失載

九龍山在金山東

乾隆府志

蔣山在縣東北八十里下瞰同城湖與高淳縣接境

大清一統志

乾隆縣志同

南陵縣

籍山在縣治東北

方輿紀勝作縣西

陂陀聯絡爲邑之鎮

大清一統志

爲城內主山由工山百折至此年久頽削明知縣沈堯中審

其形勢疊石爲臺建樓其上堯中有記

乾隆府志

按方輿紀勝所載藍山桐嶺湖山白額山石女山龍珠山皆分列南陵縣下實皆涇山誤入此縣今概不引

箬帽山在縣東南十里上有青墩頭可以眺遠其支有鷄公

凸下臨石潭曰海子溝有龍藏焉時或騰躍

一統志乾隆府縣志畧同

石嶺在縣東南十里路通涇縣

乾隆府縣志同

千堆山在縣東南十五里以上墩泡巖巖故名乾隆府志

神龍山在縣東南二十三里從分界山來逶迤坡陀最後卓

起一峯如龍昂首上有雅陽廟乾隆府志同

分界山在縣東南二十三里與涇縣分界乾隆府志

按此卽涇縣李衝分界山在南陵縣梅根鄉兩縣于此分

界

五里岡在縣南五里乾隆府志同

雲家山一名仙女山在縣南十二里同上

崇嶺山 龜嶺俱在縣南十二里一作二舊傳有金鵝自涇

之蠻唐山飛來棲此下有巡檢司故址康熙府志 乾隆府志並同

敬亭山在縣南三十里山甚低小偶與本府山同名

嘉定宣
城志

乾隆府
志畧同

呂山在縣南六十里山有石室山南石蹕有泉湧出卽漳淮

之源也南流五十里至縣爲東溪

嘉靖府志 明史地理志
大清一統志 乾隆府

縣志
畧同

南江又東旋溪水注之溪水又北合東溪水水出南里

山北逕陵陽縣東桑欽曰淮水出縣之東南北入大江

水經
注

按水經注東溪水下卽引桑欽說明以淮水東溪爲一水

也據各地志淮水皆發原呂山呂里音同則南里山當卽

呂山東溪又名淮水嘉靖府志與水經注亦合唐大德初

楊行密自銅官濟江敗宣州兵于呂山遂克宣州卽此

車山在縣南六十里山形似車

乾隆府志同

蒲山在縣南七十里呂山南十里爲蒲山

大清一統志

趙冲嶺在縣南七十里縣龍過峽於此

乾隆府志

格裏山在縣南七十五里從兩小徑入曰大格口小格口兩

山夾行連十五里不斷如畫格然故名中有腴田深澗人烟

相接

大清一統志
乾隆府志並同

獨山在縣西南十三里山與柿樹溝近

乾隆府志同

楓樹岡在縣西南十五里岡有楓一株觀其葉先茁所向以

卜年豐

同上

顧村陳家山在縣西南十八里

同上

石龍山在縣西南二十里

同上

程家龍在縣西南五十五里

同上

水龍山在縣西南六十里山有泉出山巔石巖噴高五尺許

濤湧而下田畝賴以灌溉旁連橫山嶺

大清一統志

黃山在縣西南七十里

乾隆府縣志同

靈巖山在縣西南七十里唐貞元時金地藏建寺於此

乾隆府縣志同

志同

了山在縣西南七十里與青陽接壤

乾隆府縣志同

霽頭山在縣西南七十五里接青陽界有泉下注爲煨湖爲

雙龍井

大清一統志

花山在縣西二十里有道出銅陵縣

方輿紀要 乾隆府縣志畧同

工山縣西三十里高數千丈圍七十里縣鎮山也晉朗陵侯

何琦棲隱焉宋孝子李經廬墓其下山腰有泉曰龍池歲旱

禱雨輒應

乾隆府志

按何琦在晉書孝友傳與西晉初封朗陵侯之何曾鄉貫

不同族望亦異何得牽作一人此種土俗所傳最爲鄙陋

而明曹學佺名勝志及輿地志江南通志等並襲其訛可

云無識矣今據晉書等取正下朗陵山誤亦同

朗陵山縣西三十里工山南亦以何琦名相傳琦居此辟穀

鍊丹山南有丹井其來脉曰落牛嶺

乾隆府志

按嘉靖府志晉朗陵侯誤作唐朗陵公今從乾隆府志改

正

石覺塘山在縣西三十里兩山石麓相接如門中有邱壑林

壑外望四山壁立似無逕通

乾隆府志雍正縣志同

屏風山在縣西三十里聳削如屏縣治來脈從此山左角落

下同

七女山在縣西三十里其並峙者為石湖山

方輿紀要

石湖山與七女山連石下泉湧如潮故名

乾隆府志雍正縣志同

黃連山及大小瑯婆山在豹兒壠內

同上

按此山乾隆府志不載去縣里數惟云在豹兒壠內則道

里當與黃連山同下有紫山亦然

同山在縣西三十五里有石洞流泉

方輿紀勝乾隆府志同

紫山有紫氣與同山俱在麻橋內

乾隆府志雍正縣志同

大脉巖 謝家壩俱在縣西三十六里

同上

馬鞍山 祿領山 閔家山 張家山俱在縣西四十里

同上

大王衝山在縣西四十五里

同上

鷲峰山在縣西六十里石洞有風

同上

橫山嶺在縣西七十里西通銅陵

同上

官山在縣西七十里石洞

同上

內翰山一名白石山在縣西北七里

同上

射的山在縣西北三十里據故老相傳上有玉石在壁內南

面遙見有白處曾有人取上山後遇風雨不果今遠望頗似

射侯故名射的山諺云射的白米斛百射的元米斛千又以

此爲豐歉之驗

太平寰宇記 方輿紀勝 大清一統志並同

新亭山在縣西北三十里

乾隆府縣志同

石音山人行則有聲又名團山

白山石色如玉

梅花山

峯似梅花

石岡山與繁昌接界四山俱在七都境

同上

按以上四山乾隆府志不言去縣里數惟云俱在七都境

內與繁昌接界則俱在縣西北三十里也

馬仁山在縣西北四十里唐時王冲霄陳商同隱此山商登

科仕至宰相冲霄終隱不出商之居後爲僧舍

嘉定宣
城志

東南

屬本縣西北屬繁昌銅陵形如人馬故名唐貞元中山南有

石馬鳴遂去其首足以厭勝之改曰馬仁

乾隆
府志

了頭山在縣西北四十里

乾隆府
縣志同

涇縣

漢山在縣東三里突然孤秀下有深潭

大清一統志
乾隆府志同

東山在縣東三里敦山輻湊皆平岡形勢環合漢末孫策戰

太史慈處

國朝順治三年提督張天祿據此飛砲擊城破之

乾隆
府志

鼓樓山在縣東七里形如覆鐘高十餘丈廣數十畝相傳謂

前代軍興曾置烽火鼓角樓於其上

涇川志

黃幕山在縣東南十里與今縣治相對旁有兩山左曰屏橫山又曰桂嶺形如樓臺右曰寨山形如屏橫袤五里高百餘丈此山之下分派岡阜自縣東南山引脉相貫以至縣基

涇川志

天馬山在黃幕山東頂出雙峰形如馬綿亘十餘里列如屏嶂由天馬山過雙柱峰東折而西至黃幕山

乾隆府志

金牛嶺在黃幕山東俗名耙齒嶺秦坑山在金牛西北江衝

山在金牛東南並在縣東十餘里

同上

根木山在縣東十三里高二十餘丈廣數百步

涇川志

按此山乾隆府志及縣志皆不載

任家山在縣東十五里山皆平岡廣六七里中曰羅婆衝有

坦途上通清潭下通桑坑

嘉靖府志

門山

汪公山並在十餘里內

乾隆府志

西山在縣東十八里高五十丈廣一里餘有三峰相連在清

潭官路之西因名

涇川志 乾隆府志同

大堆山在縣東十八里廣數百步形如堆錢因名

涇川志

奈衝山在縣東二十里高百餘丈中有銀爐潭取銀坑俗傳

唐時諺云兩山相戴兩石相載下有寶貝遂鑿山置治舊跡

猶存

嘉定宣城志 涇川志同

金壺山在縣東二十里石壁峭峻下有平臺

方輿紀勝
統志作二十五

里

橘林山在縣東二十里高百餘丈廣六七里其下有西峰

涇川

志

按嘉定宣城志作儒林山儒係橘字之譌

祝山在縣東二十里高四十丈廣數百畝古有祝姓居其下

因名

嘉定宣城志
乾隆府志畧同

台泉山卽東石山在縣東二十里高六十丈廣數百步明大學士許國讀書於此因改今名四面環石多奇勝有鬱孤峯一名卧龍崖普陀巖一名觀音崖玉磬洞浮龜石望江亭臺

泉精舍在焉有瀑布泉飛濺于孔道之旁

涇縣志 乾隆府志畧同

崑山由黃泥嶺趨西北至此迤邐嶙峋高數百仞袤十餘里

為治東巨鎮山頂有池冬夏不竭中多蜥蜴或云即神湖上

有崑山龍王廟西有朝陽洞南有水洞姚峰嶺打鼓嶺奎墩

山楊梓山獨山稻堆山青山諸山連接並在縣東三十里

乾隆

府志

北衝山在縣東三十里兩小山雙峙其中怪石巖峩環以清

谿特為勝概

方輿紀勝

黃泥嶺在北衝山東

乾隆府志

東坑山在黃泥嶺東

同上

渠高山在幕山北琴高漢處士也有隱雨巖是其控輦上昇之所巖下有洞洞旁有釣魚臺大清一統志山以人名峭如壁立循壁鳥道而升有隱雨品有御磨崖古刻剝落不可辨下瞰深淵是名琴溪跨橋其上產藥渣細魚後有峯曰塔子山涇縣志

巧坑山在縣東三十里高百餘丈廣二里山勢奇巧多怪石

因名曰巧坑涇川志

考坑山一名巧坑兩峯相夾有嶺焉為旌歛孔道

國初建石關設洗兵置烽烟墩於此涇縣志

兔兒嶺 平頂山 謝坑山 烟石嶺俱在巧坑西北乾隆府志

白水山由烟石嶺分支西折而北趨至此頂有湍泉屈曲而

下望如瀑布西北有舒濤嶺元武嶺

同上

長山在白水山西北縣南十五里長三十餘里

涇川志大
清一統志同

云錦溪
水出此

石礪山在縣東三十里高三十丈山有石洞洞中石臺水井

天窻甚明朗紹興初張璠之叛有藏于洞而得全活者

嘉靖
府志

方輿紀要在
縣東二十二里

龜嶺在縣東三十里高三十丈廣數百步下有水湫二相傳

白龜管從此出下至栢山石有似龜形者名曰龜石

嘉定宣
城志

烏溪嶺在縣東三十里上五里有張村嶺

乾隆府志
縣作烏溪坑

西風山在縣東四十里四崖圍合中介一嶺曰破脚晉桓彝

拒韓晃墜馬傷足因名

乾隆府志

桓公嶺在西風山北三里爲桓彝戰死處

同上

朱砂山在縣東五十里山石竅中紅色發現其大如月俗因

以朱砂名之

方輿紀勝

高十餘丈廣倍之下瞰溪水巖頭有石而

尺餘紅色如朱時或鮮艷則其鄉井災土人以是候之

嘉靖府志

金紫山在縣東五十里其山面西廣袤數百餘丈高百餘丈

巉巖峻險有石如立者四高二丈餘石之色如金紫故名

涇川

志上有風穴投物于中飄空而起

乾隆府志

魚龍山在金紫山北山下有伏獅石魚龍潭

同上

金竹山在縣東五十里峻峭秀鬱林壑幽美初以其竹多黃

色故名

嘉靖府志

按此山乾隆府志及縣志皆不載今從嘉靖志補入

東山在縣東五十里綿亘峻偉上有石洞圓門入者每聞鐘

鏗聲山之半爲九里嶺

乾隆府志

謝家嶺在縣東五十里廣三十步高十餘丈上有龍王祠

嘉靖

志 涇川
志畧同

黃蛻山在縣東南六十里自旌德縣界椿嶺至黃蛻山止約

三十餘里目下而上約十餘里廣袤百餘丈山之絕頂如平

地故以黃蛻名山上有一小池水深二尺許

涇川志

山高千餘

似亘三十里羣巒列嶂狀若蓮花雄鎮一邑爲縣治之祖山
胡憇績峴山紀畧黃峴山黃山之分支也西面數里有峰曰
太乙又西曰華蓋又西曰天乙天乙峰半有廟以祀龍歲旱
祈禱輒應廟之左右曰緞花塢曰蘇坑曰橋坑曰雙石塢曰
犀牛望月石峰南曰三臺峰稍下有杜鵑谷又南曰無偶嶺
又南曰石壁山下有石金坑天乙峰北曰石人峰又北曰大
嶺又北曰小嶺二嶺之間曰楓坑大嶺而下曰掛榜山大嶺
之北曰錦屏峰又北曰文筆峰乾隆府志作卓筆山又北曰
石門峰又北曰半嶺峰極北曰星聚峰東北曰溪頭坑西南

曰桂坑

涇縣志

佛牙山由黃峴而北形如齒牙今名乾明嶺是多松竹

涇縣志

乾隆府志畧同

旗山在黃峴之南角又南曰楊武山曰明山曰文殊山曰眉

山距縣六十里而遙

涇縣志

文殊山在縣東六十里與明山相對去一里許相傳昔文殊

現其上有毫光對照甚明故二山得名如此

嘉靖府志

紗帽山在縣東六十里舊名慈坑山九里嶺西趨至此有峰

挿漢曰鼠尾尖

乾隆府志

鼠尾山去縣東六十里聳入半空形如鼠尾

嘉定宣統志

其坑曰

慈坑

涇縣志

閱旗嶺在緱帽山北十里一峯拔立高百餘仞

乾隆府志
涇縣志同

貂蟬山在縣東六十里高百丈形類貂蟬

方輿
紀勝

旁有水泉不

竭

大清一統志
乾隆府志畧同

三乘山在縣東六十里山多怪石天然疊如屋室可容數人

名觀音巖

嘉靖
府志

舉山在縣東六十里地名竹林隴塢甚多高可二百餘丈圍

繞三十餘里

涇川
志

方坑威慶山一名抱弓山在縣東六十里其山面西北仰高

峻絕廣袤數百丈昔張琪撥攘之時保甲作寨其上與賊相

持民獲保全遂以威慶名之

涇川志
嘉定宣城志惟
云方坑山在縣東六十里

按乾隆府志以方坑感慶爲二山未知何據今從涇川志及縣志

黃麻山在方坑感慶山西北危峯屹立雄峻迥異山半有穿山洞西南曰古壇墩上有泉不竭

乾隆府志涇縣志畧同

黃汝嶺高亘綿長古稱險隘舊有鎮謁子山駱駝山陰山郭

家山俱極窮僻與黃汝嶺相連

乾隆府志

白楊嶺在縣東六十里廣三十步高四五丈

嘉定志城志

百湖山在縣東六十五里與微之箬嶺相接形如舞袖溪流

繞之百折而出故名百湖龍祠在其間

乾隆府志嘉定志畧同

筆尖山在縣東六十五里有三峯連屬並秀高一百餘丈鄉

民種菽粟於上山之背卽旌德縣界周圍四十五里

涇川志

筆架山三峯連屬高二百仞東南屬旌西屬涇界亦名蘭石

山筆尖山下有蘭石晉俞縱死難處

乾隆府志

湧溪山在縣東七十里黃巉南廣袤三十餘里其上多杉木

多茶湧溪水出焉其惱爲桐坑山卽桐嶺與旌德分界又盤

嶺雙嶺確紫峯在山西稻積山望村嶺小溪山俱在湧溪東

涇縣志 嘉定宣城志有桐嶺在縣東八十里卽指此山之桐嶺也

按 大清一統志及嘉靖府志所載雙嶺在縣東七十五

里二嶺相連五代時斷岡成路卽此嶺也今併入湧溪山

下以歸簡要

佛子嶺一名風子嶺在縣東七十里沿嶺小徑入湧溪徑傍

細石凝結若風穴雖盛夏清風襲人人或呼爲風子嶺

嘉靖府志

乾隆府志
作風子嶺

石屏風山在縣東八十里廣袤數百餘丈高百餘丈其石如

屏風因以名焉

嘉定宣城志 乾隆府志云去縣五十里似誤

芭蕉山在縣東八十里廣袤數千丈高千餘丈嶮峻如壁通

宣城路

涇縣志

山又東曰茶坑又東北曰陽嶺曰印斗坪

涇縣志

乾隆府志
志畧同

金牌嶺在縣東九十里綿峻崎嶇一綫鳥道跨宣城南界

乾隆

府志

按此嶺卽宣城縣雋陽之支峯與涇接界之所

西坑山在縣東南二十里

涇川志 乾隆府志 縣里數 志不載去縣里數

南坑山 古丁王廟山

乾隆府志 金碑分 友西南之山止此

湯餘嶺在縣東南二十五里高九十丈有湯姓居此故名

嘉定

宣城志 乾隆府志 縣志不載

石鼓山在縣東南四十里有石如鼓天雨卽鳴

方輿紀勝 俗傳山有馮

唐宅事屬傳 訛今不載

飛泉迸湍其聲如鼓

大楠 統志

按此山乾隆府志作去縣東南六十餘里涇縣志又云在

縣東五十五里無一同者今從方輿紀勝里數

皇托山在石鼓山南山下有陽和洞洗刀池相傳晉桓彝磨

劍于此 大清一統志 涇縣志畧同

九峯山在縣東南六十里山起九峯廣袤數十丈高十餘丈

故以九峯名之 涇川志

夫人尖山在九峯山東三里以香心夫人得名由夫人尖而

西三里口九峯山 涇縣志

淘金山在夫人尖西 乾隆府志

百花尖山在縣東南六十里翠峰連聳高五百餘仞 同上

游馬山由百花尖中出而北趨至此高險不可升旁有楓樹

坪周圍以石磊寨相傳昔桓翼嘗屯軍於上相連有桃花洞

上懸絕壁下臨清泉春暮不減武陵 同上

湖陂山 金山 南山並去縣東南六十餘里同上

石巖山由黃曉三台峯直下過同口殿坂而西趨至此高數

百仞周山皆長松怪石頂有圓通菴同上

花泥山 芙蓉山 青里山 烏石嶺山並與石巖山相連

同上

青山由石巖山後五柴岡西出過長冲坂而北趨五里至此

其上有寺翠巘清泉雅多風景南二里有丙子山同上

茹麻嶺在縣東南六十里羣山環列徑道崎嶇有巡司戍守

方輿紀要
乾隆府志同

紫荊山在茹麻嶺西三里涇縣志 乾隆府志作五里

榜山在紫荊山西北五里

涇縣志

馬鞍山在縣東南六十里一名鶴峯由紫金山北趨至此兩

峯高峻形如馬鞍

采嘉定志乾隆府志合纂

鄭家坪山在馬鞍山北

涇縣志乾隆府志同

乾

天格山在縣東南六十里迤西曰抱兒峯又西曰梨樹峯又

西曰黃連峯又西曰金釵峯其上曰中峯曰白馬峯相傳唐

黃巢將白馬將軍駐此最高者曰牙峯懸崖陡壁遠眺黃山

一覽無際

涇縣志

按乾隆府志梨樹峯作梨尖峯白馬峯作白馬山牙峯作

牙峯山亦不載去縣里數止云與湖金山相接則亦當在

縣東南六十里也

唐山在縣東南八十里陵阜回環峰巒聳拔東南至北諸山

皆其支岫其陰為旌德東界

乾隆府志
涇縣志畧同

烏雀嶺山由磨盤後之唐山北趨十里至此嶺路崎嶇登陟

不易踰嶺有葉家坦為寧邑界

乾隆府志

戰嶺山上有磨崖箭石

同上

貓兒嶺山 百山尖 犁尖山俱從葉家坦入仍係涇山

同上

磨盤山在唐山北二十里連峯簇擁溪水出焉

涇縣志
乾隆府志畧同

塘降山在縣東南七十五里上有大聖殿龍王祠

嘉定宣
城志

椿嶺在縣東八十里

一作東南
九十里

廣數百畝高五里餘路通旌

德涇川志

大山在椿嶺西橫亘六七里中爲旗墩嶺南爲玉屏峯北爲

筆架峯居民種菽於其上

乾隆府志

龍王坑在大山南十餘里盤折幽僻中通一徑有黑虎洞風

洞磨盤石上有古篆人不能識

同上

烟墩山在龍王坑南晉將軍俞縱守蘭石駐軍處

同上

承流山在縣西南四十里相傳竇子明嘗隱於此以其爲陵

陽令故名今有醮星壇煉丹竈存焉

方輿紀勝

山有九峯皆極聳

秀爲邑之冠山從有避兵洞山之西有赤土洞自承流而南

峯岫盤旋百有餘里如城巖然東達旌德西接太平谿谷幽

深最爲嘉勝山之東有東流山

大清志承流山縣治之對山

也峯巒聳秀一望積翠爲八景之一其峯有九中爲狀元峯

左爲掛榜峯下爲蓮華峯右爲絢帽峯又左爲積翠峯望雲

峯右爲毓秀峯友愛峯又左爲覽勝峯皆聚承流之畔拱挹

學宮山半有元虛洞寶子明辟穀所醮壇丹竈存焉後有避

兵洞下爲承流府君祠望雲峯下龍井泉神龍居之有蜥蜴

可以致雨有獸焉曰天馬

涇縣志同 乾

大小幕山在承流山東

乾隆府志作東西大幕山

晉唐間用兵駐幕於此

涇縣志

徐家嶺在承流山西北

乾隆府志

東流山初名嵩山在縣南五十里約高數百丈唐末有逸士

隱此號東流府君自此號東流山

方輿紀勝

藍山在縣南五十里南江北逕安吳縣東晉太康元年分宛

陵立縣南有落星山山有懸水五十餘丈下為深潭

水經注方輿

紀勝誤入山在縣西南六十里周三十里下有藍山坑俯瞰

安吳渡

大清一統志

大藍山卓如列屏俯瞰落星潭三國時建安吳縣於溪東峯

崑廻曲一望蒼翠李白經此山麓有故歌臺懸水成溪流五

里許曰活潑灘沿灘而上高聳數百仞境漸幽深其東南支

岡曰嵩嶺曰畫樹嶺

涇縣志乾隆府志嵩嶺誤作高嶺

按一統志安吳城在涇縣西南五十里藍山南又乾隆府志大藍山去縣西南五十五里南有安吳城趾皆與水經注合則藍山卽古落星山也

台山在縣南五十里兩峰尖秀高約千百丈周圍十餘里地名李樹村山之巔有一平地方圓十餘丈

嘉定宣
城志

南岳山 旗頭山 金頂山 戰坦山 栗山 康琅山

障北山 白茅山 趙家山 赤土山 放杖嶺

一老人雙
髯如雪幅

巾繫杖過此曾放杖
女憇因名 涇縣志 吳家嶺 沙嶺 龍門嶺

以上俱在
台山南

陽山在縣南五十里陽山一峯危聳高約一二里周圍十餘

里其山有五堽圍繞通於一村如土城然

涇川
志

傳有老人挂

杖登山不返人謂爲山神遂立陽山府君祠嘉靖府志作尖陽

山餘

稠嶺在縣南五十里廣百餘步高數十丈嘉靖定宜城志

黃虎山在稠嶺西南後有天川塢坑口西坑有龍潭康熙甲

午旱知縣賈銘所禱得一物昂首出潭迎歸雨隨注三日乃

作記鐫碑潭上乾隆府志

銅嶺在縣南五十里乾隆府志作二十五里山甚高腰有小徑人往來

踐之有聲相應嘉靖府志大清一統志畧同

小呂山乾隆府志從平南大山乾隆府志中條

齊雲山一名石女山在縣南六十里大清一統志作四約

高五十餘丈周圍七八里頂上有平地約十餘畝有庵曰齊

雲其側產茶與白雲茶味相類

涇川志

山在縣南七十里石

如女郎形故名又有石如箱中有一竅天久晴其箱漏明必

雨

嘉靖府志勝謨入南陵縣下

方輿紀

山西曰秩嶺斷而起曰貯元嶺

涇縣志

獅子山在齊雲山東南

同上

德音山在齊雲山東

乾隆府志

舍坑山在齊雲山西

同上

萬竹山在舍坑山西

同上

柘南山在萬竹山西

同上

釣絲岡在萬竹山西

同上

浮龜山一名浮蓋山在縣南七十里約高二百餘丈周圍十

五里下有獅子石昔人有詩云曝背元夫不暫移山前人盡

壽期願綠毛暗逐春風長應笑靈鰲上釣絲

涇川志

小山在縣南七十里周圍十五里頂上有平地約百餘畝黃

巢叛逆有鄉民逃於頂上率眾立寨拒敵

涇川志

山在齊雲之

下高百餘丈

乾隆府志

丁家山接浮蓋之麓在縣南五十里

涇川志作七十里

下有凌家灣

乾隆府志

馬鞍山在縣南七十里山舍坑過佛子嶺西趨至此

乾隆府志

有駱駝廟久廢

涇縣志

按縣有二馬鞍山故縣志有東馬鞍山以別于此又乾隆府志誤分馬鞍山爲駱駝山今從縣志

黃象山在縣南七十里約高五百餘丈周圍約十餘里

嘉定宣城

志 乾隆府志作
萬象山餘畧同

銅坑嶺在黃象山北

乾隆府志

蔣公嶺在銅坑嶺西北

同上

水東大山在蔣公嶺北

同上

芎園嶺在縣南七十里山由馬鞍山趨西北至此又名淚夫

山相傳吳烈婦哭夫于此淚着地皆成血斑

同上

西山在芎園嶺北山接芎園峻綿數里陰臨大河有釣魚臺

乾隆府志

涇縣志畧同

魁山在縣南七十里周圍五六里峰巒聳秀草木暢茂舉目遠視圓如鐘形昔有諺云魁峯頂秀石女峰高入仕路者紫綬金章入法門者紫衣釋老今前廣東吳運判時顯居其下宗族頗盛

涇川志

魁山宋吳顯登第立魁字旗於其上因名由

東流山南折而西趨至此峰巒孤秀形如覆鐘

乾隆府志

東山岡由魁山邈迤而下

涇縣志

乾隆府志東山又稱紅流山與魁山連

按涇川志所載與方輿紀勝同王栻王象之皆係南宋時人蓋同采常時方志之說今從其詳者

榧林山在縣南七十里

乾隆府志由麻嶺北趨十餘里至此

約高百餘丈周圍

十五里一峰挺立形如卓筆牛山上有仙人洞始因負薪者

見而言之其後游人欲觀者燃燭而進內有石佛像石鼓石

馬等物每遇陰晦聞有音樂鼓吹之聲

涇州志 嘉靖府志同

連嶺在樞林山東北

乾隆府志

丕嶺在樞林山東

乾隆府志同

博道嶺在丕嶺東

同上

伏牛山在博道嶺北西有石巖曰裴相公巖

涇縣志相傳唐裴休修道于此

又有井曰石井

乾隆府志

梓坑山在伏牛山東南

同上

連坑上保山在縣南八十里約高百餘丈周圍二十里內有

燕兒礪冬煖夏涼遇秋風颯颯燕子多巢于內

涇川志

山有石

巖懸覆可容數十人滴水不竭

乾隆府志

銅山在縣南九十里有一嶺名曰麻嶺山勢巍峩若登天然

通太平旌德二縣往來之衝左有密巖山一峰聳立形如卓

筆其中產茶

涇川志

南接爲脉峰山銀嶺山北曰密巖山東曰

畫屏山其餘重崖峻壁四圍周繞皆名銅山相傳昔冶銅于

此或曰吳王渙嘗鼓鑄焉外有九里三灣之徑水急如箭山

陡如壁最稱險地麻嶺亦在縣南九十里爲涇之南境跨旌

太之間

乾隆府志

按乾隆府志分銅山麻嶺爲二山又以麻嶺爲大麻嶺山

皆足貽誤考証今從宋明地志以歸核實又吳王渙鼓鑄之地亦非此山有與吳別駕論銅山書見藝文志

高嶺在縣南九十里峰巒重疊嶺外無更上也太平諸山湧界而出最爲南境奧區

涇縣志

朝山一名樵山在縣南一百里與太平共界多產樵下有洞曰樵洞谿谷僻遠最稱幽勝

乾隆府志涇縣志畧同

按縣志以朝山樵山

銅山下云西有樵山

爲二山今從府志

小尖山在朝山西

乾隆府志

水西山在縣西南五里

方輿紀勝

北距湖山百餘步其脉自青陽

格口支分九華之秀高二百餘丈寶勝崇慶白雲三寺各占

其勝二浮屠對峙樓閣參差自城東望之如雲錦然唐李白詩云天宮水西寺雲錦照東郭宣宗嘗寓于此詩云長安苦問江南事報道風光在水西謂此嘉靖府志山在縣西南五里林壑深密下臨賞溪循溪而入有塢曰水西坑最幽勝方輿紀要大

清一統志同

按唐宣宗隱于水西史無其事恐皆沿譌又涇縣舊志載唐宣宗小字風光一事更屬俚鄙今不載

白雲山在縣西南七里下臨白雲潭舊產茶入貢今廢方輿紀要

大清一統志

五城山在縣西南七十三里江南通志作七十里乾隆府志作六十五里聳于郭

山之旁藍山之中者形勢相銜屈指有五落落如城郭然熙

寧中縣尉劉誼精通地理奉檄至是鄉嘗下藍輿凝佇久之

酷喜是山因定名五城

涇川志

石柱山在縣西南九十里山有二峰對如柱

嘉定宣
城志

界接青

陽縣其南與石埭陵陽山相望合溪出此

方輿紀要
大清一統志

有石

柱坑坑口有觀音巖上有磨崖碑

乾隆
府志

湖山在縣西七里

大清一統
志作五里

卽格山之派高三百六十丈

其下靈惠廟在焉上有龍池古廟基險峻人跡罕至後半山

間有走馬壠居庵廢基并泉並存

涇川志
勝誤入南陵縣下

桂山在縣西十里亦格山之派坡陀東出高十餘丈黃州太

守方廷瑞揭名兼有題咏今其閣已廢然林木輝映亦林壑

之勝

涇川志

雙桂山舊作桂山在水西白雲之北高數十仞下

環池塘二十餘畝沿堤皆柳名柳湖下坊河西鎮在焉

乾隆府志

涇縣

志畧同

楓坑山在縣西二十里高二百丈亦曰栢林山與湖山接

涇川

志

湖嶺山一名巫嶺在楓坑山西高四百餘丈絕頂可以望江

路通樸山

大清一統志

盤坑山在縣西二十里

大清一統志以崖谷宛轉而名新坑澗出此

山產薪炭茶

竹居人資之以爲業中有西峰大聖祠雖路險難進然祈禱

極驗

涇川志

石脾山在縣西二十里下有洞可容數十人洞出寒泉冷熨

人齒形如龜草木如綠毛然山四面皆美石

方輿紀勝嘉靖府志本此

按此山乾隆府志皆作石碑山又以爲在縣東北當有錯

誤

四顧山在縣西二十里山平原陡起高山羣岫上有聚龍庵

併龍池東望黃山三十六峰隱現天末西眺南陵蕪湖綠烟

浮空南瞻九華如屏長江如帶北瞰文脊敬亭如有無間

瞬息千里一覽無際諸山之最勝者

乾隆府志

大小嶺在縣西二十里

乾隆府志云由四顧山西趨至此爲通安池孔道

上產薪茶

竹木居民無販以供縣市

涇川志

下麻嶺在縣西二十里

按此嶺乾隆府縣志皆不載今據涇川志補入

後山在縣西二十五里賞溪徑其下

大清志

山在四顧山東

北

乾隆府志

西江山在縣西二十五里與楓坑山相接有路通樸山有伏虎石禪師來虎往來憩息之所

按此山乾隆府縣志皆不載據縣志至嶺深巖遂谷周回數十里路通樸山此山蓋至嶺之支峰也

大寧山在縣西三十里唐猷州城在其下今大寧寺地是也

康熙府志 乾
隆府志畧同

櫟山在縣西四十里高數百丈周回五十里形勢高聳竹木
森然入山有松徑數里乃唐乾元大師卓錫之所塔跡見存

涇川志 乾
隆府志畧同

蔣山一名雲嶺在縣西二十餘里乾隆府志作四十五里下

有小路入義上義下兩鄉雲嶺約高五里周圍二十餘里涇川

志

紀家嶺在縣西五十里路通青陽界接南邑乾隆府志

北拱山在紀家嶺東綿亘數重環圓如堵俗名畢公里由山

西趨始至紀家嶺同上

管嶺又名管林在北拱山東五里通安池間道上同

丹山在縣西北五十餘里

涇川志 乾隆府志俱作西七十里世傳竇子明煉

丹其上池竈猶存鄉士名登天府丹必先見嘉靖府志

龍珠山

一名文門墩

在縣西七十里高二十餘丈廣約五里狀似

圓珠介于丹山南藍之間二山奔趨而來勢若爭吞其珠舊

有奇術士號為二龍爭珠形

涇川志 方輿紀勝誤入南陵縣下

南藍山一名鴻峨山在縣西七十里卓如屏立縈紆圓轉四

時蒼翠故名之曰南藍

涇川志

清風嶺在南藍山北綿亘數里

乾隆府志

震山由清風嶺南趨十里高矗雄峙橫堵大溪上同

寨山在縣西七十里高百餘丈廣十里昔鄉人遇盜掠掠曾

立寨其上故曰寨山

涇川志

山下有汪公柵

乾隆府志

白沙山在縣西七十里由黃葉嶺北趨至此高亘數里蘆巖

山香爐山俱與白沙山並峙

同上

按蘆巖香爐二山不見縣志蓋皆白沙山支峰

盤龍山在白沙山北

涇縣志

殿子嶺在縣西七十里

乾隆府志山由丹山趨東北至此

高十丈餘廣約五里

昔西峰大聖以道杖拄地泉湧四時不竭鄉人遇旱祈禱挹

其水以祀之常獲感應故爲之立殿而因以命名焉

涇川志

郭山在縣西七十五里約高數百丈迢迢發骨蓋自池之九

華下距鄰邑之南陵回旋曲折約三百里是山之中奇異迭見不時牡丹見焉紅紫遍色在于俄頃遠而視之向者如迎背者如訣近而執之則花沒根移萬狀皆絕此殆一時神花

也

涇川志

相傳郭璞樓此因名自此至顛皆疊崖成山有通天

洞仙人橋鍊丹鍋郭洞墓諸蹟山麓有泉通江曰潮泉石爲

玉屏峰

乾隆府志

四角山在縣西七十五里高數百丈周圍二十里峯頂夷坦

可容千餘人昔黃巢亂有寨于是山之上一旦人馬忽至洋

洋如神在其上者雲霧滃興賊倒戈而退亦名四角寨云

涇川志

上有寨址俗稱章公寨有泉取之不竭

乾隆府志

蘇嶺在四角山西

乾隆府縣志同

鳳山在蘇嶺南相傳成周時有鳳翔于此

方輿紀勝嘉定宣城志謂在長樂

寺側餘同

大城山在縣西七十五里昔郭璞嘗鑿泉眼于山椒以視潮

候今人以潮之大小爲雨暘之占云

方輿紀勝

山周圍五里形如

覆鐘下有潮泉昔郭璞所鑿泉眼以應潮脈潮之往來信如

四時時值不雨人有齋莊盥沐趨其祠所立木爲像禱而潮

應者可立而待潮之應期或大或小而潮之大小雨之遠近

係焉其潮小通七日作雨潮若大湧三日乃雨苟禱之再三

而潮不至則是歲必有旱熯之慮故時人多以潮之應否爲

喜戚

嘉定志 嘉靖府志畧同

血嶺山在大城山北舊傳黃巢戰此血流山谷因名有間道

通青陽

乾隆府志

一人泉山在縣西七十五里高約三十丈廣三里餘中間石

迸泉流四時不息號曰一人泉因以名山

涇川志

按此山乾隆府縣志皆不載今補入

回軍山在縣西七十五里傳有葉民居此捕賊有功賜爵尚

書嘗以木爲箭書名于上黃巢軍見之驚駭而回因名高百

餘丈下臨澗水爲回軍潭

乾隆府志

按郭山在縣西七十五里此山是其支峰則遠近亦當相

類

陽山

飛虹山

一名
排紅

亦麓山俱在回軍山東

同上

望江山在縣西八十里巍然峙于郭山之背高實倍之如天

朗氣清長江瀟然在目芻蕘雉兔者皆往焉

涇川
志

石壠洪頭山在望江山西

大清
一統志

山上石植如堵是爲天寶

磨崖碑山麓有石曰子瞻泉曰珍珠東下三里有洞曰燕兒

涇
縣志

碧山舊作石碧山隔溪與石門山對峙沿溪窄徑別自幽奇

是產名茶多瑞香奇石李白詩問君何事棲碧山卽此

涇
縣志

乾
隆府志
同

烏龍山在縣西八十里與丹山相接高七十丈廣約五里餘

遍地碎石色黑如鱗甲屈伸起伏奔蹶盤旋狀若龍馬

涇川志

野燼坑山接烏龍山左上有天井池將雨則池水先湧間有

帆席蒲草隨流而出

乾隆府志

銅峰山在縣西八十里高百餘丈廣十餘里勢似雲屯

涇川志

由烏龍山西趨至此上有唐楓宋塔雙筍石油鹽石朱砂井

宿雲亭大士崖仙人橋雀浴池諸蹟下爲壁山產馬牙石可

鐫印章又產天星石晶洞勝寧邑仙石

乾隆府志

寶峰山在縣西八十里石巖高數十尋有人物鳥獸狀雕繪

不能及山背一竇甚紆折出竇又平遠空曠飛流千尺經司

趾下大清一統志

眠牛石山一名黃葉嶺在縣西八十里高百餘丈廣五里有

大石聳出狀若牛眠

涇川志

天河尖在眠牛石山西南

乾隆府縣志同

萬峻嶺在天河尖南

同上

芝嶺在眠牛石山北

同上

冰山由芝嶺東趨至此綿峻雄特自西而北諸岫之脉多從

此分

乾隆府志

薪荻山在縣西八十里頂平行有泉沸出居民墾以為田

與方

紀山高三百仞有走馬岡水竹塢楊柳街跨歸橋諸蹟往來

者莫知爲峰頂也

同上

石門山由薪荻東趨十餘里至此突起團墩俗呼團圓山絕

頂磊石憑空剗然中斷雙闕巍然有碧峯坡叢蘭塢小赤壁

斷虹岡百折壠諸勝宋隱士徐時居此號爲小輞川

同上

巴山由岑山東趨十里至此廣袤七八里巨石橫亘不生草

木有穴曰仙人洞

同上

石壁山在縣西一百里李白詩云石壁望松寮宛然在碧峯

卽此

嘉靖府志

舊作玉屏山上人呼前山南山不一名在丹山南

二十里山太平游山分支入邑西境起蒼坑嶺桐樹嶺高嶺

諸山而東趨至此高三百餘丈列岫如屏多松竹產美茶

乾隆

府志

歐家塢山由石壁山東趨至此上有洞出異風隔河山當之

夏涼如冰土人稱另家風冰坡山

同上

祈龜山在石壁山東

同上

岑山由黃龍山分支而南趨至此在縣西一百里高約五百

仞接馬鞍嶺間道通太平

同上

黃龍山在縣西一百里跨青陽界與佛回尖望江尖天門嶺

諸峯起伏相連

同上

西香嶺在黃龍山北

同上

蠻唐山在縣西一百里高數百丈周回五十餘里中有大巖

上有石臺舊仙人曾奕棋於上下有蠻王殿基及土馬臺石

存焉

涇川志 乾
隆府志畧同

西公山由冰山別爲一支而西趨至此叢林密菁最稱孤僻

北曰陰坑冲西接蠻唐山

乾隆
府志

響山在縣西北十里

乾隆府志
作五里

亦格山之派石壁屹然高五

十六丈前有白石紋狀如人立下有石巖廣深各三四丈其

後有石穴廣深又倍之石壁之上草木倒生旁出葱蒨可愛

前臨官道一里許每行人過此呼嘯其山聲輒相應故名曰

響山俗亦曰白額山

涇川
志

石壁屹立狀若獅蹲又稱獅山後

爲觀音洞南一洞尤爲幽奇與隔溪幕山對峙爲通縣水口

明萬厯間知縣邵黃買隸儒學培養樹木陰庇風水乾隆府志

孤坑山在縣西北二十五里乾隆府志作二十里兩山之間有兩路出

焉故有上孤坑下孤坑之名下坑舊有官路通南陵今徙於

李衝上坑有路出雙澗通池州坑有陶窰出陶器以資鄉邑

之用歷川志

青峯嶺在縣西北二十五里高數十仞乾隆府志

茅山 景山俱在青峯嶺東上同

雙澗分界山在縣西北四十里與南陵縣澄清鄉抵界中有

官路通孔鎮入池州驛道歷川志乾隆府志同

馬姑山一名馬公山在縣西北四十里由石巖山過伏嶺北

越至此

乾隆府志

石巖山由蕭坑麓東越五里至此巉削峭異相連曰松木岡

與洞山俱在縣西北四十里

同上

亭子山在縣西北四十里西三里曰楊木冲接南陵界

同上

團冰山 巖山 諸吉嶺俱在縣西北四十里低平不起峯

密巖山有洞

同上

魚龍山在縣西北七十里下有一窟澗踰三尺脉通江海時

有湧泉則有魚隨波而出

方輿紀勝 大清一統志 方輿紀要畧同

按此山乾隆府縣志皆不載蓋縣西北四十里卽接南陵界而此山與和尚山皆在七十里外故前志遺之然地勢

有犬牙相錯處考之南陵縣界又無此山則宋以地志列此山於涇縣下必非無據今仍附於西北諸山之末又縣志載湧泉在縣西北魚磳山下而山水門失載此山亦屬踈漏

和尚山在縣西北八十里

方輿紀勝

絕頂有仙洞二所洞口僅三

尺餘磬折可入淵六丈長約七八里石結其頂旁有石閣上垂石鋌狀如驚管下有水池泉甘於蜜煉丹藥竈在焉藥丸大小有三見者隨取隨盈自是怪毒間見人莫敢前獨樵夫採斫不廢或聞敲金擊玉如奏樂者推局布子如奕棋者屬耳聽之則寂然無聲至今傳曰仙洞

涇川志

桐山在縣北門外與漢山相比高五十餘丈

嘉定宣
城志

山有三

峯相連數百畝

涇川
志

磊坑山一名石磊山在縣北五里山皆陂阜中多怪石磊塊

如亂珠因名曰磊坑

同上

王龍山在縣北十里形如半月高十餘丈廣百餘步蓋池州

九華山之派山尾實屬青陽地名曰格口自此東出百餘里

臨賞溪故山之首名曰格山其下支分派別岡巒萬狀得其

壯而據上游者爲湖山靈惠廟基得其秀而中處者爲水西

三寺得其正而屹立于後者實爲縣治坐山云

涇川
志

北石山在縣北十五里自涇之南陵道出其中土產灰堊碑

石嘉定宣
城志

蕭山在北石山西乾隆府
縣志同

柏山在縣北二十里乾隆府志
作十五里舊圖經云自旌德發脉而來

穴如龜形俗云宣城未建嘗卜基此地役者鍾石而偶破白

龜之首流血滿溪遂名其港曰紅子港灘曰赤灘龜行至宛

水而止遂定為州基故宣城曰白龜城者蓋原於此山有城

尙存嘉靖
府志

龍湖山在縣北二十里極高而大上有靈湫同上
府縣志不載

孤山在縣北二十五里高約二里白縣城北望實為水口涇川

志上有黃巢寨及走馬驪池沼存焉北有高嶺廟祀汪王南

有黃埭庵奉西峯大聖

嘉靖府志

石龍山在縣北二十五里下有水洞庵有林壑泉石之勝

涇川志

石結嶺在石龍山南由紀家嶺踰南陵境二十餘里復入涇

界北趨至此

乾隆府志

蕭坑壠在石龍山東

同上

閭山在縣北二十五里馬頭山之東南根盤五里餘山不甚

高中多疊嶂彷彿蓬壺故昔人以閭山之

嘉靖府志

雞子嶺在縣北二十五里下南陵官道由此南五里有村墟

曰麻園市

涇川志

巖龍洞在縣北二十五里廣袤數丈高三丈如螺旋頂不柱

而屋洞後有一洞高丈餘深十丈東西可往來

大清一統志

白塔山一名丞相山上有白塔寺下有金雞洞巖龍洞接山

之西

乾隆府志

馬鞍山在巖龍洞西石壁峻峭俯瞰涼潭上有幽洞多游棠

同上

賀堂山在縣北三十里宋守昌森讀書堂在焉

涇川志 乾隆府志同

李衝分界山在縣北三十里與南陵梅根鄉抵界

涇川志

按涇川志別著李衝二字蓋以別於雙湖分界山爾此足

見古志之詳核

榔山在縣北三十里高三百餘丈舊多榔木故名有上榔中

榔俱與關旗嶺接

乾隆府志

幕山一名漠山在縣東北五里相傳左難當與輔公祏拒戰

於此故壘尚存

大清一統志方輿紀要同

左難當與輔公祏相持處北

峯最高曰小帳山又有香爐峯甄箴山皆在山側

乾隆府志涇縣志

畧

同

蕭眉嶺在幕山東重崖密壑亘十數里通本郡孔道由嶺而

西爲幕山

乾隆府志

馬頭山在縣東北三十里以其山似馬首故名

嘉定直隸志山在

閭山之北縣東北之盡山也嘉木美竹盤結岩隙下臨深淵

商舟奏集

乾隆府志

豸山在縣東北七十里由金牌嶺分支西趨二十餘里至此高峻雄亘偉然大觀東北一巨鎮也東北有葛泥壠跨宣邑界

同上

按金牌嶺在縣東九十里

鼓樓山在豸山南十里其北五里曰竹絲岡設洮兵下有界牌南屬涇北屬宣去縣治東北三十五里

同上

按此與縣東七里之鼓樓山同名

寧國縣

顯山在縣東四里雞山鄉

乾隆府志

妙山在縣東五里雞山鄉下有潭名妙潭

大清一統志
乾隆府志同

女兒山一名響山又名語山在縣東二十里蘆城鄉舊傳唐

開元中有神女現巖上羅隱嘗鐫詩於石歲遠剝蝕不可復

識宋太學上舍縣令丁濟等有題

嘉靖府志
乾隆府志畧同

蔣山在縣東三十里高數百丈世傳有人姓蔣顯靈于此因

以名山有馬踐坑石蹄跡宛然山顛有寺乃唐東禪師道場

寺前有田數十畝冬夏流泉不竭山之東南有蒼坑潭龍王

祠歲旱祈禱于此

嘉靖府志

按乾隆府縣志別分蒼坑為蒼坑山又不載去縣里數殊

為牽混今從嘉靖志

銀山在縣東六十里寰宇記云舊有銀冶故名

方輿紀勝
嘉定宣城志

按今本太平寰宇記無銀山蓋刊本脫落耳此山乾隆府縣志皆不載今補入

冷渡五山在縣東九十里東曰桂山西曰金字南曰青紅北

曰周壁東北曰黃封山脉皆自傍郡經數百里綿亘而來形

勢皆秀山下有溪遇霖潦彷彿江湖民皆病涉宋寶佑丙辰

里人鄚州通判鄭希深架石爲橋往來便之

嘉靖府志
隆府縣志畧同

禹堯尖在縣南七十五里

乾隆府志
作一百里

高四百丈峰巒聳特上

有龍池俗傳禹治水過此因名但諺無據但以祈禱有感故

錄之

嘉靖府志

朗山一名長安山在縣東一百十里

乾隆府志

湯公山在縣東一百二十里高二百八十丈周迴八十里傍

一峰名仙人尖有石壇山下有廟俗或謬為成湯廟又謂其

山為商山

嘉靖府志
輿記要畧同

方右為馬蹄嶺路通昌化左有銅嶺

關路通於潛

大清一統志

千秋嶺在縣東一百里

大清一統志作百二十里
江羅南通志乾隆府志作百五十里

隱詩想望千秋嶺上雲

方輿紀勝

圖巒纒縹緲溪谷幽勝道通西浙

嶺下有雲梯舊置仙郎巡司於此

大清一統志

嶺界於潛迥合幽

勝蔽翳白日亢旱時雲氣一起輒雨久潦時他山未霽此嶺

雲散輒晴吳招討使李壽出千秋嶺討山越見通鑑

乾隆府志

按諸山去縣里數及東西準望皆據乾隆府志以一方專志較之統志寥寥者稍爲詳密也他縣仿此

西山在縣南五里昔有虞璠隱居教子邑人以虞有高風過

必式焉

嘉定宣城志 乾隆府縣志畧同

石仙尖在縣東南四十里高插雲漢上有仙人祠舊傳爲仙

翁曾採藥於此

熊嘉靖府志補

東山在縣東南五十里山南谿洞偪隘至此獨豁然開朗下

有渡曰石口卽東溪所經也

方輿紀畧 大清一統志同

按此山乾隆府縣志不載去縣里數餘與二書所載同

岳山關在縣東南六十五里高三百丈周闊四十里由鄉之

金村石逕入山百餘步東西兩峰對立如門山各有巖洞深

達莫測溪流由山中達於縣之東關通杭州之昌化縣寧川

志山在慕信鄉八都之程村

嘉靖府志

縣東南有嶽山巡檢司舊置嶽山下

明史地理志

關口山在縣東南六十里一名獅象山其中境隘溪深泉壑

縱橫

方輿紀要
大清一統志

多油漆紙皮之利山盡處有懸崖臨飛瀑

龍湫

大清一統志

按嶽山舊置關于其上乾隆府縣志遂分嶽山關口爲二

山又別有關山以嘉靖府志及方輿紀要諸書細校之道

里既同形勢亦合實皆一山故于關口山外不復別分名

目今據以訂正乾隆府志備列異名于下以俟後人參考
又乾隆府志于一山分作二山之處卽不復載道里岐誤
顯然如蔣山分作蒼坑山之類皆然

駐蹕山在縣南一里本名薛家山明太祖南征嘗駐蹕于此

亦名駐蹕

方輿紀要 乾隆府縣志同

雞山一名鳳山在縣南五里鷄山鄉世傳有金鷄鳴其上故

名峰巒秀拔爲縣之鎮山

嘉靖府志 方輿紀要 大清一統志 乾隆府縣志同

泰山尖在縣南十里與學宮對峙山南二里許有古縣故址

乾隆府志

琴山在縣南三十里大慧杲禪師訪楊氏萬卷堂見其山似

琴因名之

乾隆府志

屏山在縣南五十里形如屏大慧果師名之

乾隆府志

象鼻山在縣南六十里形如象鼻因名有巖曰寶陀飛泉一

道自絕頂而下其聲如雷因橋澗出村口

大清一統志乾隆府志畧同

陽濠山在縣南七十里又名平茗山脉自歙而來最高爲邑

南障奇巒異島若飛皆頓駐于此絕頂有龍湫噴湧而出遠

望如練

嘉靖府志大清一統志畧同

黃尖山在縣南七十里山上有葛仙巖俗傳葛仙翁煉丹于

此有石室在焉

嘉靖府志補

黃顏山在縣南八十里高二百餘丈上有石室可容數百餘

人無徑可入攀木沿崖以登相傳晉永嘉中有仙人黃顏鍊

丹于此

方輿紀要 大清一統志 乾隆府縣志畧同

了髻山在縣南八十五里高二百五十餘丈山有巨石如了

髻南唐時嘗作烽燧樓于其上外有仙燕洞客百餘人鄉民

嘗避兵于此

方輿紀要 大清一統志 乾隆府縣志畧同

周莊山在縣南八十五里有瀑布泉穿成井深不可測大慈

果禪師曾游此有題

巖山在縣南九十里宋紹興中潰兵爲寇鄉里苦之土豪楊

發砦老幼于此山率丁壯據險邀擊走之巖中流矢死故名

以上二山據嘉靖府志補

北姑山在縣南百里高三百丈周廻三十里自天目山來委

蛇舒衍忽然峭拔有楊龍巖深邃可容百餘人下爲泉流飛

瀉

方輿紀要 大清一統志 乾隆府志並同

中臺山在縣南一百二十里與昌化縣接境

方輿紀要 大清一統志同

千頃山在縣南百二十里上有池約千頃池中一山形似鉞

孟因名鉞孟山

乾隆府志

黃岡嶺在縣西南四里

方輿紀要 乾隆府志同

紫山西北蜀洪山

方輿紀要

在縣西

一百里其徑僻險湖樂巡

司置于此有三曲瀑布泉出此

大清一統志 乾隆府志俱不載道里

籠叢山在縣西南一百五十里南屬嶺溪界峻嶺崇闢宣歙

扼塞處正德間姚源盜起官軍於此防戍叢山關在焉高二

百丈周圍三十里

方輿紀要 大清一統志 乾隆府志畧同

獨山在縣西五里自鐵陵屏發脉過爲縣治來脉

乾隆府志

嵩山在縣西北七里延福鄉高二百丈周圍三十里四向望

之其峯筆立近邑惟此山殊秀旁有大黃山小黃山

嘉靖府志獨

山又西三里曰嵩山環望如筆大黃小黃二山夾峙其旁下

臨西津

大清一統志

寶山頭在縣西十里相近有觀音山龍潭坪仁村嶺修道山豪

山自浙界分脉

乾隆府志同

陽和峯在縣西六十里峭拔如筆有甘露王祠俗傳每遇上

元夜靈光燭天祈禱多有應

據嘉靖府志補

石柱源在縣西六十里石筍高五丈餘壁立獨聳四山環峙

乾隆府志

遙嘉嶺在縣西七十五里界連昌化設關稽巡

乾隆府志

石柱山在縣西七十里石柱高二十餘丈

乾隆府志

座嶺在縣西八十里高一百六十丈濶五十里道通新安山

勢險峻按越國汪公行實云兵至座嶺時大暑士馬皆渴公

以戈鐫石得泉後人因加浚鑿石上有馬足印又有藏馬洞

在嶺之右嶺多麋鹿故名

嘉靖府志

楓樹嶺在座嶺北二十里與獨蛇伏嶺分水巖山四關皆茂

密險隘之地明嘉靖中建峭臺其上

大清一統志乾隆府志同

雲門山蟠龍山俱在楓樹嶺北

乾隆府志

擊鼓山在縣西九十里

太平寰宇記作東南一百二十五里方輿紀勝作縣南八十五里上

有石鼓天雨則鳴寰宇記云

大清一統志乾隆府志同

按王象之引寰宇記云云則南宋時寰宇記刊本尙作在

縣南八十五里後乃誤作東南一百二十五里也上有石

鼓等八字今本寰宇記亦無疑似此脫誤者當復不少

高峯在縣西九十里雲門鄉西坑山之上峯最聳秀東趨郡

城北有小溪旁則八角峯山頂產茶

乾隆府志

按乾隆府志又有濟坑山注云卽西坑山實與此山爲一

今削去又乾隆府志於峯嶺下必贅一山字殊非體裁今皆刪去

八角峯在縣西九十里白黃山發脉勢最聳秀綿亘郡城於高峯旁斷而復起狀如九疑左有文筆峯相近有敏子嶺又有福金山又有順嶺路通徽浙乾隆府志

紫山在縣西一百里一統志作西南周二百里高數百仞中有龍池

龍井其北爲前塢嶺斌坑方輿紀勝乾隆府志畧同

按乾隆府志於此山下又有三曲水瀑布泉乃誤引一統志蜀洪山下之語今不錄

柏山在縣西一百里常往來通道又名琴山方輿紀勝乾隆府志並同

石鏡山在縣西一百十里有石如鏡照之形多變異有訖巖

瀑布

大清一統志

將軍石山在縣西一百二十里石在山巔約高十餘丈雄偉

聳拔如介士帶劒屹立

嘉靖府志 乾隆府志 卷同

白雲山在縣西北五里西津渡之左唐刺史許渾題詩一片

白雲千丈峯殿臺樓閣架虛空卽此山下潭清碧可愛

嘉靖府志

乾隆府志 卷同

石巖山在縣西北十里山頂泉湧歲旱祈禱輒應下爲五河

渡口

乾隆府志

通靈峯在縣北二十五里高二百丈四山如環孤圓挺秀絕

頂平處六七畝有二井庵後石壁巉然號雞冠石乾隆府志
云石馬通靈並接宣城又相近有紫巖山山巔有池泉味清

洲乾隆府志

文脊山一名曷山在縣西北三十里何法盛晉中興書云有瞿
劭先生不知姓名住宣城文脊山卽此人祀之祈禱有靈高
數千丈周三百餘里西接涇旌諸山北接宣城柏枧山峯巒
攢秀巖洞盤曲爲郡雄鎮

太平寰宇記方輿紀要
大清一統志畧同

山門山一名石門山一名靈巖山在文脊山東南諸洞勝概
萃於一寺卽靈巖也梅聖俞與宣城簿張獻民同游留六題
刻石存焉石壁峭立劃然中開儼若城闕謂之山門中有山

洞五水洞一巖石最爲幽勝

嘉定志 有洞記
要 大清 志

按方志云山舊有七十二洞惟巖巖紫雲連洞朝陽夕陽
碧雲六洞最著今攷山有應真洞尤奇俗所號羅漢窟也
余以丁卯上巳日同人遊此凡接梯百丈方得入洞門自
洞中盤折而上約五百步則已出山頂矣然山徑稍遠遊
人至者百無一二故題詠亦絕無今特表出之以爲後來
者導云

石嶺在山門山東十里建炎二年叛將戚方犯寧國邑人方
致堯拒之於石嶺不剋死之

方輿紀要 乾
隆府縣志畧同

鷄山在縣西北三十里高五十四丈周三十里與廣德州界

山茶尤爲時貢茶經云味與壻州同梅詢詩茶煮鷄山雪滿

甌梅聖俞詩亦云茶詠鷄山佳

太平寰宇記方輿紀勝大清一統志

按乾隆府志鷄皆作鷄今依一統志校正

龍潭山在縣西北一百里有龍潭山谷深遠與文脊山相

連亘宣城旌德鎔界處

方輿紀要乾隆府縣志不載道里

烏石峯一名仙人山在縣北十里成化間楊氏幼女年十三

結茅此山白日翀舉觀者千百人取其遺物葬焉水旱疾疫

禱者輒應相近有遊魚山在縣北洲中其形似魚

乾隆府志

旗鼓山在縣北十五里左旗右鼓夾西潯水對立拱護縣治

相近有鱗山

乾隆府志

石馬山在旗鼓山西北二十里

方輿紀要

佛嶺在縣北十五里相傳大慧杲禪師卓錫處手植古楓一

株尙存

乾隆府志

獅子巖在縣北二十五里萬山之中別開一境明湯賓尹葉

詵讀書處巖下有香泉井夾路松羅漢石諸勝泉內多蝥虎

每天陰雨乘霧飛躍

乾隆府志

洪公山在縣東北四里高一百丈周廻二十里舊名長洪嶺

昔有隱士洪伯禮居此故名山有水源獨西流深至二三丈

歲旱禱之輒有雷雨

嘉定宣
城志

長洪嶺在縣東三十里有關通

廣德州界

大清一統志

按乾隆府志皆以洪公山長洪嶺爲二山今據嘉定志洪公山舊名長洪嶺周迴二十里則實一山也蓋後人因山勢綿延因其起訖而別名之故道里或有不同耳今仍其舊

疊洪山在縣東北四十里高數百仞周數十里自五渡河北抵宣城東南諸山皆發脈於此東去爲澤嶺冬夏常濕故名

乾隆府志

按乾隆府縣志以縣境諸山皆發脈於浙江之天目山遂以天目山載入此縣可謂無稽志山而必究發脈本屬堪輿風水之說不可據以定方輿若窮其變而論則山水一

也山可究發脉水亦通源委江以南支渠皆受大江委輸或百里數百里不等亦可照天目山之例不在縣境而以之入縣志乎今特將天目一山削去庶使後人按圖索記不致傳疑如飛來之峯羅浮之嶺有變幻合離之惑也

旌德縣

高家嶺在縣東二里許有寶子明丹井相傳井在塘中水涸則見有壅之者越數月井復如故雨後每聞異香

乾隆府志

后妃嶺在縣東四里舊傳潘闕女爲齊帝妃故名又有甘子

嶺距后妃嶺七里

乾隆府志

按齊書東昏侯紀潘淑妃父名長慶此名聞當係又一人

耳

華陽山在縣東五里半山平曠可居

嘉靖府志引李瞻旌川志

按李瞻旌川志久已亡惟嘉靖志偶引之今分列諸山下以存宋時故事

感化山在華陽山西今縣城東門曰感化以山名也

方輿紀要

鳳凰山一名唐山在縣東七里

乾隆府志

百龜山在縣東十里從石龜西來蜿蜒嘶起有石巖高數丈

產風蘭

乾隆府志

黃栗山在縣東十里龍聳綿亘山頂疊起三臺周回二十餘

里

乾隆府志

大鰲山在縣東十里巖巖若大鰲盤屈十數里有瀑布泉流

不竭

乾隆府志

玉壺山在縣東十五里背竇令君指壺以飲勝公于此有飲

客指玉壺煉丹燒火井之句有會勝寺後有金井泉本梁勝

公相宅

方輿紀勝 旌川志 乾隆府志 畧同

石嶺在縣東十五里有水東西分注

乾隆府志

鳧山一名石鳧山在縣東南二十里有白龍潭梅溪出焉有

巨人跡馬蹄石搗藥臼俗傳陵陽子明二女化青鳧隨父仙

去故名又云子明初煉丹於棲真山頂後游鳧山遇一隱者

相與爲友俱仙去今有顯道祠蓋祠二人焉

方輿紀勝 靖府志

嘉清

一統志

石鼓山在縣東二十里九域志云山有石如鼓天將雨則鳴

有白雲峰高數百似與獅子山鳳亭山俱在八都乾隆府志

白望嶺在縣東二十五里乾隆府志

華容山在縣東三十里形似蓮花故名方輿紀勝乾隆府志同

嗣溪山一名嗣續山在縣東三十里源口兩山峻壁僅容一

溪縈紆階級數里纔有人烟其間有田數百畝低原平坂茅

店石橋村聚處畧有里巷民居多胡姓謂山相連相接欲嗣

續不絕是名嗣溪山接寧國縣界連五十餘里一峯峭突爲

龍峯方輿紀要旌川志

乾隆府志畧同

範峰在縣東三十五里高若揮大有獅子怪石

乾隆府志

夏昌山在縣東五十里

嘉靖府志補

石嶺在縣東南里許不通車馬與縣東十五里之石嶺同名

乾隆府志

南長嶺在縣南門外二都通徽郡孔道相近有倪村嶺白楊

嶺

同上

梓山在縣南二里山源自徽境連屬至此聳立千餘仞山頂

有甘露王行祠半山有覽歌亭今廢僅有梓山祠有三臺峰

有石澗有桃樹不花而實

旌川志 嘉靖府志 大清一統志

檀樹嶺在縣南五里

乾隆府志同

橫城山在縣南十五里山形橫障隱龍村口望若城闕相近
有琴山平子嶺銀屏山隱龍嶺黃托嶺通續溪界龍王尖皆
在一都白砂村左近

同上

古唐山在縣南十五里高三十五似周十五里與續溪縣分

界

嘉靖府志

方輿紀要

乾隆府志並同

金竹嶺在古唐山東

乾隆府志

黃高峯在古唐山西兩峯對峙有登仙橋硃砂石壁獅子崖

龍栖池旁有巖洞溜下成潭俗傳昔黃高公隱此

一統志
嘉靖府志

獅山在縣南五十里

乾隆府志

羊嶺一名羊岡在縣南五十里山多白石如卧羊通貫鄉嶺

陽接績溪界近地有中羊下羊相近有松巖在南嶺孤松挺

秀

旌川志
乾隆府志

芝蘭山在縣南六十里山多芝草蘭蕙有瀑布二十二都諸

村南北倚之爲鎮南與績溪界

乾隆府志

虎口山在縣南六十里

嘉靖府志

清潭山在縣西南十里

方輿紀要 按縣志清潭在縣西十里石山中卽此

金鰲山在縣西南五十里江村東相近有卯龍山石鴈山又

有鳳臺山在村北

乾隆府志

大洪山在縣西南五十里春漲最盛故名

同上

鐵帽山在縣西南七十里山形如兜鍪

同上

鵝嶺在縣西南七十里與箬嶺接黃山天都獅子三峯羅列

在目嶺西太平縣界

方輿紀要 乾隆府志畧同

箬嶺在縣西南八十里高四百八十仞山多箬故名西接太

平縣境南接歙縣境相傳汪華所開

方輿紀要 嘉靖府志一統志 乾隆府志

西長嶺在縣小西門外

乾隆府志縣志同

棲真山在縣西五里昔竇子明曾居此山其壇跡存焉長孫

邁所述神仙傳子明既來江左晉元帝嘉之拜陵陽宰在縣

三年民服德化後棄官尋訪名山搜採奇藥至徽水之陽結

庵西山煉丹高嶺焉

太平寰宇記 一統志 通川志

山北爲西嶺仙峯黃

龍岡諸山

方輿紀要

按以陵陽子明爲晉人其誤始于遵有舊註見太平縣陵陽山下棲真爲此縣名山而乾隆府縣志于此山下惟引方輿志神仙傳之言亦不載去縣里數其隘畧此可概見

城子山在縣西五里棲真山西地名穀冲

方輿紀要
乾隆府志

齊柳山在縣西十里山圓如畫眉

乾隆府志

黃茅尖在縣西十五里最爲秀拔

同上

正山一名尖山在縣西二十里唐時嘗因厭勝之說鑿斷山脉今斷壠存焉南唐將方道頊洪銳嘗屯兵於此以備吳越山有仙人臺仙人園舊有石刻漫不可辨有龍祠禱雨輒應有隱士江文諒家其下義聚至千三百餘口

嘉定志
方輿紀要
嘉靖府

志 大清
一統志

大嶺在縣西二十里旋嶺之最高者為西鄉孔道一統志乾隆府志

巖山在大嶺東高與正山崑山黃高峰齊土人望雲占雨乾隆

府志

大幕山在縣西三十里形如簾幕傍起一峰謂之小幕方輿紀勝

方輿紀要 大清
一統志 乾隆府志

東山在縣西三十里乾隆府志

高金山在縣西四十里同上

豸山在縣西四十里山麓有獅子峰下即唐將軍方元蕩故

址今猶稱方家園同上

石柱山在縣西六十里

乾隆府志作四十里

有雙石挺起一巨石承之

號豹子尖尤爲奇秀或曰此山先有四石高大相若後爲雷

擊其二相傳梁武帝時新安程靈洗將兵趨姑孰道過其下

率衆登山築壇歃血誓平侯景因揭此石立旗幟又抽矢射

一山山摧一角今其山曰射的山

方輿紀勝嘉靖府志

白山 花園山 佛子嶺俱在縣西四十里

乾隆府志

千秋嶺在縣西四十五里

同上

柵山在縣西五十里地名豐溪俗傳昔有呂氏女結茅于此

山之嶺學道修真已而仙去今呼爲仙姑壇山下多呂姓

嘉定

志 察上山與柵山俱在廟前東

乾隆府志同

蛟山一名蛟峰在縣西南五十里山形蟠虬如騰蛟然後有洞逕險難入其中平曠唐永太中山造上萬敵嘯聚于其中招討使袁孝擊平之自唐末至今有呂氏居其下族屬繁衍以文學登顯仕者世不乏人

方輿紀要 嘉靖府志 大清一統志

九峰山一名斜峰嶺在縣西五十里通太平太路一名九峰

乾隆志

萬歲嶺在縣西五十里

同上

上嶺山下嶺山在縣西五十里

同上

黃華嶺在縣西六十里與太平縣接界

大清一統志 乾隆府志

九屈嶺在縣西六十里高十里濶六里嶺九屈故名

石蓮嶺在縣西六十里

二嶺俱據嘉靖府志補

皂陽嶺在縣西北十里

方輿紀要乾隆府志作皂羊

仙峰嶺在縣西北十里

乾隆府志

烏嶺一名楓木嶺在縣西北十五里亦曰烏山

方輿紀要

按此嶺向不見於志蓋縣東北別有一烏嶺乾隆府志疑爲一而誤併之耳

雞公巖在縣西北三十里十六都新建後崇巖峭峙石如雞

冠高數十仞其東南爲啄木嶺相近有鍾山天馬山筆峰山

乾隆府志

唐峯在縣西北四十里其東南爲玉屏峰在十八都孫村

同上

按乾隆府志峰作山與喬亭之玉屏山相混今據縣志圖

作峰

龍首山在縣西北四十里山峰峭舉形如龍首下有澤谿龍

王祠水旱必禱焉

方輿紀勝

嘉靖府志

三溪鎮又北爲龍首山

山西北有龍潭微水逕其下與涇接界

方輿紀要

大清一統志

紀家山

馬鞍山

黃姑峰俱在縣西北四十里

乾隆府志

金錢山在縣西北四十五里

同上

碎石嶺在縣北七里嶺多碎石因而名之

據旌川志補

柳山在縣北十里柳相公不詳何代人山南有石室深不可

測神祠在焉里人祈禱輒應

嘉定宣城志

嘉靖府志並同

松樹嶺在縣北十七里鳧溪北湯村南

乾隆府志

仕坑山在縣北二十里

同上

玉屏山在縣北二十里喬亭橫嶂十里為邑北障

同上

礮嶺在縣北二十里太平鄉嶺北涇縣界

嘉靖府志 乾隆府志 畧同

柘樹嶺在縣北二十里鳧溪東北

同上

石壁山在縣北二十五里一名文山高數百丈連亘數里一

水中流兩崖對峙峰巒峻絕縣境之阨塞也舊時路在半山

懸崖千尺行者難之明嘉靖初郡判李然攝縣事緣溪鑿石

遂成通塗舊有石壁巡司久廢宋宣和中賊方臘由寧國轉

寇縣境統制王可成帥師拒戰于石壁賊敗却即此

方輿紀要 大

清一統志
乾隆府志

佛子山在縣西北二十五里方輿紀勝作二十里地名鍾村唐乾符中

嘗有紫芝碧蓮之異有寺曰瑞蓮嘉靖府志

天井山在縣北三十里方輿紀勝作縣西山巔巨石峭峻中有飛泉

激湍自兩竅中出俗稱為牛鼻其下有龍潭清深可愛嘗有

羽流居之旌川志大
清一統志

南山在縣北三十里南灣對河係漢晉故道山石壁口上山

通蠻王尖至東固大路乾隆府志

蠻王山在縣北三十五里宣城志云昔蠻人盜據此山歿葬

山下然不可考旌川志

按此卽乾隆府志南山下之蠻王尖

鳳形山在縣北四十里十八都禮村相近有郭公嶺

乾隆府志

蠡嶺在縣北三十里白泉山華容峯亘二十里南障縣治北

界涇邑

同上

按此卽涇縣之椿嶺與旌德分界處乾隆府志不載里數
據疆域志云旌德北四十里至涇界此山在旌德北里數
可知

鵲巖在縣北三十里十七都三溪東興雲占雨

同上

大嶺在縣東北三十里

同上

烏嶺在縣東北三十五里十都通寧國要道

同上

白雲山在縣東北四十里爲九都祖山相近有方山了髻山

同上

唐山在縣東北五十里十一都嶺上有塘水長不涸

同上

剝嶺在縣東北五十里柳山鄉嶺北接寧國界

同上

太平縣

黃山在縣西南四十里

方輿紀勝作縣南三十里

上有泉水泉側多黃連

故名

元和郡縣志

北黥山在宣歙二州界高一千一百七十丈舊

名黃山天寶六年敕改爲北黥山浙之東西歙池饒等山皆

其支脉

太平寰宇記

舊經云山以黃帝棲真之地故名當宣徽二

郡界有三十六峯三十六源二十四溪八大巖

方輿紀勝

山當宣

徽二郡界東屬歙縣西屬休寧各一百二十里屬本縣者八
十里窮高極遠諸峯秀拔山下時聞上有仙樂聲神仙傳云
黃帝昔日問道于浮邱公曰願握衣躬侍修鍊浮邱公曰江
南黟山神仙所居無輩穢腥腐而有古木靈藥其泉香美清
溫冬夏無變沐浴飲之萬病皆愈遂與客成子浮邱公同遊
於此嘉靖府志山高三千七百餘丈盤亘三百里寧徽兩郡之名
山也峯之得名者三十六而在縣境者有八曰翠微曰天都
曰望仙曰九龍曰聖泉曰疊嶂曰仙人曰芙蓉諸峯爲之冠
餘屬徽州方輿紀要
大清一統志黃山舊名黟山唐天寶改爲黃山山
有三十六峯三十六源二十四溪十二洞八巖 第二天都

峯高九百似其峯聳翠峻潔儼若天中羣仙所都下有香谷
源嘗聞異香馥郁有天都觀高人隱士居焉 第十二疊嶂
峯高八百似峯形如障下有石乳巖巖中滴乳其白如雪四
時不絕今俗呼云滴水巖又有陰坑源陰不見日源水東流
人自雲溪溪中有一潭如盆下又有一大潭黃帝曾向此取
水煉丹感白龍見名曰龍潭水入硃砂溪 第十六仙人峯
高八百六十似頂有二石仙其狀宛然如刺成相對而坐俗
謂南向者爲軒轅黃帝背倚一石屏迴如玉展北向者爲浮
邱公其下石壁高五百餘似猿猴亦不能到遊翫者上紫石
峯望之宛如二仙人對坐下有仙人洞因此名焉 第十九

翠微峯高八百五十仞下有翠微源翠微洞翠微寺青牛溪
昔有樵人於此見一青牛遂前逐之走入水中不見峯畔有
布水傾下 第二十一望仙峯在山北高八百五十仞周書
異記云黃帝客成于浮邱公於此湯池見一珠函玉壺持歸
中峯下石室中飲壺中甘露瓊漿披函中霞衣簪寶冠躡朱
履光照山谷須臾黃帝乘飛龍前引綵幢珠蓋三仙飄然從
峯頂上昇聞彩雲中有弦歌之聲今峯西有弦歌鄉弦歌洞
弦歌溪 第二十二九龍峯連望仙峯東南高八百仞九朶
合成如九龍相纏下有九龍崑九龍源九龍洞九龍溪九龍
觀九龍寺 第二十三聖泉峯在九龍峯西南宛如削成上

下大中央小狀如腰鼓高八百七十仞頂上有一湯池人不能到於隣峯頂上望見池中波浪騰沸從地中湧出一布水向頂東南下入甘泉源甘泉溪周書異記云浮邱公謂黃帝曰黥山中峯之頂上有一湯池水味甘美可以鍊丹煮石蓋此處也 第三十四芙蓉峯高七百五十仞下有白馬源卽黃帝輩遊之所隔溪南面有馬跡石石上馬跡猶存深者可

尺淺者可二三寸宛如泥中所印

黃山圖經

按樂史以爲黃山唐天寶時改名北黥山陶經又以爲黥山唐天寶時改名黃山未知孰是按黃山之名見於劉向列仙傳相傳已古則寰宇記之言稍得其實耳

陵陽山在縣西六十里列仙傳曰陵陽子明者釣鄉人也好釣魚於延溪釣得白魚腸中有書教子明服食之法遂上黃

山採五石脂服之三年龍來迎去

文選遊仙詩李善注引之按列仙傳為劉向所撰

見隋書經籍志據此可以破長孫邁以陵陽子明為晉人之誤又司馬相如大人賦反大壺而從陵陽張揖曰陵陽仙人陵陽子明也則以子明為漢人亦屬臆說蓋詞人取材必避凡近相如賦中所見如大壺元冥黔雷長離商皇伯倚岐伯祝融勾芒唐堯虞舜靈嫫馮夷西王母之類皆三代以前神人服虔應劭作注且有不能舉其時代者則作賦時必不雜入一木朝人無疑列仙傳所載七十二人見於世說文學篇注及直齋書錄解題今本雖係後人所輯亦復多因其舊書中如容成赤松昌容嘯父師門浮邱公皆三皇虞夏時人降至秦穆公女周靈王子喬已為晚近則子明為秦漢以前人又可概見但不能定其為何代人耳前漢地理志郡縣名多皆秦定丹陽郡即有陵陽縣除獲嘉柏人聞喜之外其不假當時事跡以名縣又明証也乾隆府志多為通說所誤土人又多惑於乾隆府志之說今確考書傳附識於此以破流傳

之丹陽郡陵陽縣陵陽子明得仙於此縣山故以為名續漢書郡

國志宋書州郡志同按此乃司馬彪續漢書本文誤刊

入注中非劉昭補注也昭所注皆引衆書又漢人說其所自

言必稱臣昭曰以別之班固漢書地理志本文亦有誤刊入

注中者並非自注及他人注也彪之解陵陽縣當亦因漢人

說之山在涇縣西南一百三十里列仙傳云陵陽子明釣得白

龍放之後五年龍來迎子明上丹陽陵陽山一百餘年乃得

仙去山高一千餘丈元和郡縣志太平寰宇記按唐永泰中分涇縣立太平縣界與今時畧同

今涇縣西南九十里麻口即接太平界則山在太平可知蓋

太平即在涇縣西南無緣分立太平縣後其西南境尚有一

百三十里之遠也今山在太平西六十里其去涇縣里數正

與右同吉甫作志時縣已分立而山仍載人涇縣并復載明

里數幾忘涇縣之西南已久分立太平縣矣蓋沿乾隆府志

之失而不校樂史作記遂仍其誤可見志地理之難于象之

輿地紀勝遂兩載之云涇縣有陵陽山不復詳按二縣分合之故竟

以一山為二山有三峯聳立屬縣者一西屬石埠者二下有

三門六刺灘舒溪所經方輿紀勝大有白鶴池向黃海如

芙蓉秋水乾隆府縣志

按黃山陵陽為此縣鎮山今從敬亭之例列於諸山之首

石鳧嶺在縣東二十里涇水出焉山多碎石高下起伏如鳧

雁嘉靖府志乾隆府志同

白衣嶺在縣東二十五里通涇旌邑崎仄難行明知縣崔

欽築砌以便行者有碑曰崔公路乾隆府志

掛榜山在縣東三十里諸水環抱為縣治水口其形綿亘橫

勇如榜同上

黃華嶺在縣東三十里與旌德接壤舊名黃瓜嶺

同上

天馬山在縣東南三里學宮巽地昂藏奔突下映麻川

同上

箬嶺在縣東南五十里道泰鄉甚高峻上下六十里山頂中

分爲歙縣界東麓屬旌德縣往來徑道也

方輿紀要
乾隆府志同

按此嶺及黃華嶺皆與旌德分界故兩縣並載

丹山一名文筆峯在縣南三里爲學宮前山頂本平明宏

治中教諭鄒陽累石爲峯後教諭王仕復增之

乾隆府志

仙皇山一名洞清山在縣南十里

同上

鎮山 墨斗山 橫山俱在縣南十里橫山東連小馬鞍山

同上

夫子山在縣南三十里上有石橫挺數丈曰鷹嘴下有千百

石參差如列戟水流其間寒冽逼人旁有石室幽折難入

同上

碧山 赤山 石岡山 醉翁山 和雲巖俱在縣南三十

里和雲巖高五百仞上名火龍尖遙望長江如練中有梵宇

精舍傍有虎墀龍潭

同上

大橫山

縣志作大洪

在縣南四十里譚家橋邊河水環繞

同上

慶雲巖在縣西南三里山與天馬山遙峙

同上

尚書山在縣西南二十里望仙鄉高百餘仞相傳隋尚書胡

裕隱此

同上

大鰲嶺在尚書山西南十里高十五丈形若巨鰲涇水出焉

其源為滾溪

方輿紀要大清一統志畧同

湯嶺在縣南六十里

乾隆府志作西南

西鄉其山多懸崖峭壁

方輿紀要

統志同

大清

梨木嶺在縣西南七十五里上下三十餘里接歙縣界

嘉靖府志

乾隆府縣志

作接休寧界

棠梨嶺在梨木嶺西南五里

嘉靖府志作在絃歌鄉西

桃嶺在縣西南九十里接石埭境

乾隆府志

莊嶺在縣西南一百十里接繁縣境

嘉靖府志方輿紀要乾隆府志同

石礬嶺在縣西南一百三十里接石埭境

嘉靖府志方輿紀要乾隆府志

金雞山在縣西五里

乾隆府志

霧山在縣西十五里高五百餘仞東接龍門山西抵三折嶺

林木陰翳爲一鄉勝境

大清一統志
乾隆府志同

肖黃山在縣西二十里雲根嵌空仿佛黃山中有奇松怪石

及噴玉泉牧龍池諸勝

乾隆府志

三折嶺在縣西二十里高峻曲折上有石洞下有潭曰香潭

大清一統志

乾隆府志同

鐵甲嶺在縣西二十三里三折嶺又西三里峭壁千尋下臨

大河中一線通往來石骨稜稜行者艱險

大清一統志
乾隆府志同

新嶺在縣西二十五里

乾隆府志

聳峰山在縣西三十里一峰揮漢絕頂見九華大江上

穰嶺在縣西三十里在章村蒼步東大鰲嶺脚橫過上七里

下七里嶺上與石埭縣分界相近有白沙嶺白茅嶺

同

按乾隆府志於此嶺不載去縣里數今攷嘉靖志得之

密崖關在縣西五十里涇陽鄉兩崖對峙下瞰深溪從山腰

鑿石開逕以通人行

嘉靖府志

陵陽山稍東曰密崖山岡巒連亘

二十里至此兩崖對峙下瞰深溪徑險道絕一名密王關

方輿

紀要 大清一統志 乾隆府志同

真金山在縣西六十里長壽鄉東高二百餘丈相傳昔嘗產

金

嘉靖府志 乾隆府縣志同

古山在縣西六十里穰溪東下有濬潭山嘴灣環擁潭上有

石如龜浮其中相近有獅山朱子題秀蔭二字

乾隆府志

仙都山一名游山在縣西六十五里龍門鄉高二百丈亘三

十里與仙都峰相望故名俗傳左難當嘗隱于此

方輿紀勝方輿紀

要 大清一統志 乾隆府志

黃城山青雲山俱在縣西七十里

乾隆府志

拓山在縣西百二十里山上有白虎尖下有明暗二洞

同上

庾嶺山在縣西百四十里山半有古梅寒香獨早故名中有

雞峰花塢銀屏石印諸勝

同上

龍門嶺在縣西北十五里嶺上下十餘里勢甚高峻通龍門

三鄉及涇陽鄉

大清一統志 乾隆府志

輿地志 山

完

龍門山在縣西北四十里龍門鄉之東高百餘仞產百藥邑

人皆採刷之其林麓最爲幽深

方輿紀勝

異松嶺在縣北二里當地脈分脊處上有異松一本二榦楊曲奇古因名相近有碧雲山在城北矗列綉錯如屏以頂上

三峰如髻俗又呼了髻山

乾隆府志

三門嶺在縣北十里三方阻絕一徑中通其陽爲縣治

方輿紀要

大清一統志 乾隆縣志並同府志誤作三十里

寨山在縣東北二十里

乾隆府志

樵山在縣東北三十里接涇邑界

同上